


柳田文庫  
文庫11  
D 292  
40



文庫 II  
D 292  
40

柳田泉文庫

宋史卷一百六十九

職官志第一百二十二

開府儀同三司柱國錄軍國重事前中書右丞相監脩國史領經筵事都總裁脫等修

皇明朝列大夫國子監祭酒臣方從哲

承德郎右奉坊若中允 實 監 黃汝良等奉

勅重校刊

職官九 叙遷之制

羣臣叙遷	流內銓	流外出官
文散官	武散官	兼官
功臣	檢校官	勳
試秩	紹興以後階官	

支臣京官至三師叙遷之制

諸寺監主簿秘書省校書郎秘書省正字

有出身轉大理評事

高曆二十七年刊

宋史卷一百六十九

職官志

一

010190564547

無出身轉太常寺奉禮郎內帶館職  
同有出身後族兩府之家轉太祝

太常寺太祝奉禮郎有出身轉諸寺監丞無出身轉大理評事內帶館職同有出身

大理評事有出身轉大理寺丞第一人及第轉著作佐郎無出身轉大理寺丞內帶館職同有出身

出身後族兩府之家審刑院詳議刑部詳覆詳斷檢法直官轉光祿寺丞

諸寺監丞有出身轉著作佐郎無出身轉大理寺丞內帶館職同有出身

大理寺丞有出身轉殿中丞無出身轉太子中舍內帶館職同有出身

府之家審刑院詳議刑部詳覆詳斷中書堂後官轉太子右贊善大夫

著作佐郎有出身轉秘書丞內第一人及第太常丞無出身轉太子左贊善大夫內帶館職同有出身

有出身轉秘書郎著作郎宗正丞

太子左右贊善大夫中舍洗馬轉殿中丞內帶館職轉太常丞

太子中允轉太常丞著作郎宗正丞

太常宗正秘書丞著作郎秘書郎轉太常博士侍旨轉左右正言監察御史宗正丞無出身

御史宗正丞無出身轉國子博士

殿中丞有出身轉太常博士無出身轉國子監博士內帶館職同有出身

太常國子博士轉後行員外郎侍旨轉左右司諫殿中侍御史

左右正言轉左右司諫帶待制已上職轉起居舍人

監察御史轉殿中侍御史

後行員外郎轉中行員外郎侍旨轉起居舍人侍御史

左右司諫轉起居郎起居舍人帶待制已上職轉吏部員外郎

殿中侍御史轉侍御史

中行員外郎 轉前行員外郎

起居郎起居舍人 轉兵部員外郎帶待制已上職轉禮部郎中

侍御史 轉司封員外郎

前行員外郎 轉後行郎中

後行郎中 轉中行郎中

中行郎中 轉前行郎中

右常調轉員外郎者轉右曹 內有出身自屯田無出身自虞部賊罪叙

復人自水部轉 水部 司門 庫部 虞部 比部

駕部 屯田 都官 職方

任發運轉運使副三司開封府判官侍讀侍講天

章閣侍講崇政殿說書開封府判官府界提點三

司子司主判官大理少卿提點刑獄提點鑄錢監

諸王府翊善侍讀記室中書提點五房公事堂後

官轉左曹 內有出身自祠部無出身自主客堂後官自膳部轉

膳部 倉部 考功 主客 金部

司勳 祠部 度支 司封

任發運轉運使副三司開封府判官左曹轉左名

曹 內無出身只轉祠部度支司任三司副使知雜

封有出身合轉右名曹準此 脩撰脩起居注直舍人院轉左名曹

工部 刑部 兵部

帶待制已上職左右曹右名曹轉左名曹仍隔一

資超轉中行郎中轉左右司郎中戶部轉左司刑部度支金部倉

部都官比部司門轉右司

禮部 戶部 吏部

前行郎中

有出身轉太常少卿無出身轉司農少卿內見任左曹衛尉少卿帶待制已上職轉

左右司郎中

帶待制已上職轉諫議大夫左司轉左諫議右司轉右諫議帶翰林學士者轉

衛尉司農少卿

轉光祿少卿帶館職轉光祿卿

太常少卿

轉光祿卿任副使脩撰取旨

司農卿

轉少府監帶館職轉光祿卿

少府監

轉衛尉卿帶館職轉光祿卿

衛尉

轉光祿卿

光祿卿

轉秘書監

秘書監

轉太子賓客

中書舍人

轉禮部

諫議大夫

轉給事中

給事中

轉工部侍郎帶翰林學士已上職轉禮部侍郎

太子賓客

轉工部侍郎

萬曆二十七年

東史卷百六十九

職官

工部侍郎轉刑部侍郎兩府轉戶部侍郎

禮部侍郎轉戶部侍郎宰相轉吏部侍郎

刑部侍郎轉兵部侍郎兩府轉吏部侍郎

戶部侍郎轉吏部侍郎宰相轉禮部侍郎

兵部侍郎轉右丞兩府轉左丞

吏部侍郎轉左丞宰相

左右丞轉工部尚書兩府轉禮部尚書

工部尚書轉禮部尚書兩府轉刑部尚書

禮部尚書轉刑部尚書兩府轉戶部尚書

刑部尚書轉戶部尚書兩府轉兵部尚書

戶部尚書轉兵部尚書兩府轉吏部尚書

兵部尚書轉吏部尚書兩府轉太子少保宰相轉右僕射

吏部尚書轉太子少保宰相轉左僕射

太子少保轉太子少傅

右僕射轉左僕射

太子少傅轉太子少師

左僕射轉司空

司空轉司徒

太子少師轉太子少保

司徒轉太子少保

萬曆二十七年刊  
卷之六十九  
職官  
五

太子太保 轉太子太傅

太子太傅 轉太子太師

太子太師 轉太子太保

太保 轉太傅

太傅 轉太尉

太尉 轉太師

太師 三公凡除授則自司徒遷太保自太傅遷太尉

檢校亦如之治平三年翰林學士賈黯奏近者皇子封拜並除檢校太傅臣按官儀自後魏以來以太師太傅太保為三師太尉司徒司空為三公國朝因之六典曰三師三師訓導之官也蓋天子之所師法今皇太子以師傳名官於義弗安莫甚於此蓋前世因循失於釐正臣愚以謂自今皇子授三公之官詔詔候將來因加改正自此皇子及宗室甲行遂不除三師官

宋初臺省寺監官猶多泄本司亦各有員額資考之制各以曹署閑劇著為月限考滿則遷慶恩止轉階勳爵邑建隆二年始以右監門衛將軍魏仁

滌為右神武將軍水部員外郎朱洞為都官員外郎監察御史李鑄為殿中侍御史以仁滌等掌翹

夔領關征外有羨也自是廢茂滿叙遷之典是後多掌事于外諸司互以他官領之雖有正官非別受詔亦不領本司之務又官有其名而不除者甚

衆皆無定員無月限不計資品任官者但常食其奉而已時議以近職爲貴中外又以差遣別輕重焉

武臣三班借職至節度使叙遷之制

三班借職以下亦有磨勘轉官法緣未受真命今不具錄

三班借職轉三班奉職

三班奉職轉右班殿直

右班殿直轉左班殿直

左班殿直轉右侍禁

右侍禁轉左侍禁

左侍禁轉西頭供奉官

西頭供奉官轉東頭供奉官

東頭供奉官轉內殿崇班

內殿崇班轉內殿承制

內殿承制轉供備庫使有戰功轉禮賓副使持旨東

轉官酬獎

供備庫使轉西京左藏庫副使有戰功轉如京副使

禮賓副使轉崇儀副使有戰功轉洛苑副使

西染院副使轉如京副使有戰功轉內園副使

東染院副使轉洛苑副使有戰功轉文思副使



西染院使

轉如京使有戰功轉內園使

東染院使

轉洛苑使有戰功轉六宅使

西京作坊使

轉文思使有戰功轉莊宅使

西京左藏庫使

轉六宅使有戰功轉西作坊使

崇儀使

轉六宅使有戰功轉西作坊使

如京使

轉莊宅使有戰功轉東作坊使

洛苑使

轉西作坊使有戰功轉左藏庫使

內園使

轉東作坊使有戰功轉內藏庫使

文思使

轉左藏庫使有戰功轉右驥驥使

六宅使

轉內藏庫使有戰功轉左驥驥使

莊宅使

轉右驥驥使有戰功轉宮苑使

西作坊使

轉左驥驥使有戰功轉宮苑使

東作坊使

轉宮苑使

左藏內藏左右驥驥宮苑使

並轉皇城使

皇城使

轉遙郡刺史凡已上使副除皇城係東班餘並西班其東班翰林以下十九司使司雖有

見在官及遷轉法並授伎術官

遙郡刺史

轉遙郡團練使特旨轉正刺史

遙郡團練使

轉遙郡防禦使特旨轉正團練使

刺史

轉團練使

團練使遙郡防禦使

轉防禦使

防禦使

轉觀  
察使

觀察使

轉節度  
觀察使

節度觀察留後

轉節  
度使

節度使

武臣自通事舍人轉橫班例

通事舍人

轉西上閣門副使  
其東上閣門副使非特恩不遷

東西上閣門副使

轉引進  
副使

引進副使

轉客省  
副使

客省副使

轉西上  
閣門使

西上閣門使

轉東上  
閣門使

四方館使

轉引進  
使

引進使

轉客  
省使

客省使

右內客省使至閣門使謂之橫班皇城使以下二

十名謂之東班洛苑使以下二十名謂之西班初

猶有正官克者其後但以檢校官爲之或領觀察

使防禦使團練使刺史

景祐元年詔副使自今改  
正使於本額下五資遷之

舊無定員慶曆四年詔客省引進四方館使各一  
人東西上閣門使共四人閣門引進客省副使共  
六人閣門通事舍人八人治平二年樞密院奏嘉  
祐三年詔非軍職當罷橫行歲滿當遷及有戰功

殊績皆不得除正任當遷則改州名或加檢校官  
動封食邑自降詔以來正任刺史以上絕升進之  
望今欲因知藩要州郡或路分總管如再經改州  
名或加檢校官勳封食邑已及十年者與遷官至  
節度觀察留後止又客省引進四方館舊置使三  
員東西上閣門舊置使四員今並增為六員閣門  
引進客省舊制副使六員今並增為八員閣門舊  
通事舍人八員今增為十員凡所增置須見任官  
當遷及有闕乃補其皇城使改官及七年如會歷  
邊負有本路監司總管五人以上共薦者欲除遙  
郡刺史至遙郡防禦使止詔自今皇城宮苑副使  
當磨勘者各於本班使額自下升五資改諸司使  
其自左藏庫副使已上因酬獎及非次改官者聽  
知舊餘皆從樞密院之請初英宗謂執政曰諸司  
副使改轉使當從供條庫使始今對行  
升五資太優於是合議條奏而為此例

宗室自率府副率至待中叙遷之制

太子右內率府副率轉太子右監門率府率

太子右監門率府率轉右監門衛將軍

右千牛衛將軍轉右監門衛大將軍

右監門衛大將軍轉遙郡刺史

遙郡刺史轉遙郡團練使繼諸王後見

遙郡團練使轉遙郡防禦使繼諸王後見封國公及特旨即轉正團練使

刺史轉團練使

團練使轉防禦使

防禦使轉觀察使

觀察使轉節度觀察留後

節度觀察留後轉節度使特旨轉左右衛上將軍

左右衛上將軍節度使轉節度使同中書門下平章事  
節度使同中書門下平章事轉節度使兼侍中  
節度使兼侍中

內臣自皇城使特恩遷轉例合該磨勘並臨時用例取旨改轉

皇城使轉昭宣使國朝亦有外官為昭宣使者

昭宣使轉宣政使

宣政使轉宣慶使

宣慶使轉景福殿使

景福殿使轉延福宮使

延福宮使凡不轉昭宣已上五使者並轉遙郡

入內內侍省內臣叙遷之制

祗候班雖有轉官法近年無遷轉之人惟叙官者一級當一官內侍省同

北班內品轉後苑殿內品

後苑散內品轉後苑勾當事內品

後苑勾當事內品轉後苑內品

後苑內品轉把門內品

把門內品轉入內內品

入內內品轉貼祗候內品

貼祗候內品轉祗候小內品

祗候小內品轉祗候內品

祗候內品轉祗候高班內品

祗候高班內品轉祗候高品

祗候高品轉祗候殿頭

祗候殿頭

右係責降及責降人保引

內侍班

黃門轉高班

高班轉高品

高品轉殿頭

內侍殿頭轉內西頭供奉官

內西頭供奉官供奉官

內東頭供奉官東頭供奉官已上轉官依外官

內侍省內臣叙遷之制

祗候班

後苑散內品轉散內品

散內品轉北班內品

北班內品轉後苑勾當事內品

後苑勾當事內品轉後苑內品

把門內品轉後苑內品

內品轉貼祗候內品

貼祗候內品轉祗候內品

祗候內品轉祗候高班內品

祗候高班內品轉祗候高品

祗候高品

右係責降及責降人保引亦有非責降由奏薦而除者入內內侍省同

內侍班

黃門轉高班

高班轉高品

高品轉殿頭

殿頭轉內西頭供奉官

內西頭供奉官轉內東頭供奉官

內東頭供奉官東頭供奉官已上轉官依外官例

右宋初以來內侍未嘗磨勘轉官唯有功乃遷至景祐中詔內臣入仕三十年累有勤勞經十年未嘗遷者奏聽旨猶無磨勘定格也慶曆以後其制漸隳黃門有勞至減十五年而入仕纔五七年有勞至高品已上者兩省因著十年磨勘之例而減年復在其中嘉祐六年樞密院始議釐革乃詔內臣入仕並三十年磨勘已磨勘者其以勞得減年者毋得過五年

選人選京官之制

有出身

判司簿尉七考除大理寺丞不及七考光祿寺丞不及五考大理評事不及

三考奉禮郎

初等職官知令錄六考除大理寺丞不及六考光祿寺丞不及三考

大理評事

兩使職官知令錄六考除著作佐郎不及六考大理寺丞不及三考

光祿寺

支掌防團判官六考除太子中允不及六考著作佐郎

節察判官六考除太常丞不及六考太子中允

無出身

判司簿尉七考除衛尉寺丞不及七考大理評事不及五考奉禮郎不及三考

考守將作監主簿

初等職官知令錄六考除衛尉寺丞不及六考大理評事不及三考

奉禮郎

兩使職官知令錄六考除大理寺丞不及六考衛尉寺丞不及三考

大理評事

支掌防團判官六考除著作佐郎不及六考大理寺丞

節度判官六考除太子中允不及六考著作佐郎

吏部流內銓諸色入流及循資磨勘選格入流

有出身

進士明經入望州判司次畿簿尉

九經入緊州判司望縣簿尉

諸科五經三禮三史三傳今雖無此科緣見有逐邑人明法入上州判司緊

縣簿尉

學究武舉得班行人換授入中州判司上縣簿尉

無出身

太廟齋郎舊室長同入中下州判司中縣簿尉

郊社齋郎舊長坐同試銜白衣送銓注官司士文學參軍

長史司馬助教得正官并班行試換文資入下州

判官中下縣簿尉

三色人

攝官入小縣簿尉

進納授試銜入下州判司中下縣簿尉授太廟齋郎

入中州判司中縣簿尉

流外入下縣簿尉

已上並許超折地望注授

循資

常調

判司簿尉有出身兩任四考無出身兩任五考攝官



出判司三任七考並入錄事參軍但有舉主四人  
或有合使舉主二人並許通注縣令流外出身四  
任十考入錄事參軍內係驛使官沿堂五院人進  
納出身三任七考曹省試下第二任五考入下州  
令錄仍差監當

酬獎

判司簿尉初任循一資入知令錄次任二考已上入

正令錄

知令錄循一資入初等職官正令錄入兩使職官

初等職官循一資入兩使職官兩資入支掌防團判

官三資入節察判官

恩例

判司簿尉用祖父五路及廣桂知州帶安撫并知成  
都府梓州及川廣轉運提刑等恩例陳乞循入試  
銜知縣仍差監當

奏薦

判司簿尉

舉職官有出身四考有舉主三人移初等職官仍差  
知縣有出身四考無出身六考注初等職官有出  
身六考無出身七考注兩使職官

舉縣令有出身二考無出身四考攝官出身六考有  
舉主三人進納中身六考有舉主四人流外出身  
三任七考有舉主六人並移縣令內流外人入錄  
事參軍

令錄係舉人入任內有京官舉主二人循兩使職知  
縣

初等職官知縣係舉人入任內有京官職舉主二人  
循兩使職官如願知縣者聽

磨勘

判司簿尉七考知令錄職官六考有京官舉主五人

內一員轉運使副或提刑並磨勘引見轉合入京  
朝官

兩使職官知縣係舉人入併因舉循入任內有京官  
舉主二人磨勘引見轉合入京官

令錄流外出身係舉人人任內有班行舉主三人磨  
勘引見改換班行

差攝

長史文學 兩舉進士 三舉諸科

特恩與攝官

已上廣南東路長史文學與舉人中半差攝西路

長史文學七分舉人二分特恩攝官一分

試補

正額及額外攝官並試公案以合格名次高下差攝  
內試不中及不能就試者並在試中人之下

解發

入額人一任實滿四年與解發如差監當監稅卽以  
二年爲一任理兩攝並解發赴銓海南北攝官差往

公罪展攝二年監當虧少課利罰半年  
奉者添攝一任罰一月奉者添攝兩任

流外出官法

尚書省書令史都省二十四司禮部貢院吏部流內  
選並補正名後理或酬獎流一等出簿尉

門下省

選並補正名後理或酬獎流一等出簿尉  
簿尉

中書省

白院令史七選甲庫令史八選並補正名  
後理驅使官九選授勒留後理並出簿尉

學士院

禮從上出三名後理三年出奉職孔目官遇大  
禮從上三人並出簿尉不遇

御史臺

令史七選補正名驅使官九選授勒留官並  
出簿尉引贊官補正名後遇大禮出錄事參

三司

三部都孔目官三年出西頭供奉官前後行入  
仕三十年已上遇大禮從上各出二人前行出

萬曆二十七年刊

奉職後行出借職予司勾覆開折官五年出左右  
班殿直前後行出二人同三部衙司都押衙三年  
出奉職衙佐三年出借職通引官行

開封府 孔目官補正名後理五年出右班殿直左知  
客押衙六年通引官左番行首七年出奉職  
並補正名後理支計官勾覆官開折官接押官出  
奉職諸司行首前行出借職並遇大禮以入仕及  
三十年已上  
者三人出職

殿前司 孔目官五年出右侍禁通引官行  
首三年出奉職並補正名後理

馬步軍司 孔目官五年出右班殿直通引官  
行首三年出借職並補正名後理

入內內侍兩省 前後行補正名後  
理三年出奉職

大宗正司 勾押官補正名後  
理三年出借職

三班院 勾押官補正名後  
理五年出奉職

審官院 勾押官補正名後  
理七年出簿尉

九寺 府史太常大理寺七選宗正光祿太府太僕衛  
尉鴻臚司農寺十選驅使官十九選宗正司借  
書八選並補正  
名後理出簿尉

諸監 都水監勾押官補正名後理三年出奉職少府  
將作監府史十選國子監八選司天監禮生層  
生選少府將作監驅使官十  
九選並補正名後理出簿尉

羣牧司 都勾押官補正名  
後理三年出奉職

客省 行首補正名後理三年勾押官五年並出奉職  
承受並驅使官授勒留官後理七選出簿尉

四方館 書令史補正名後理八選表奏官驅  
使官授勒留官後理九選並出簿尉

閣門 行首補正名後理三年出右侍禁  
承受授勒留官後理七選出簿尉

太常禮院 禮直官自補副禮直官後六經大禮出西  
頭供奉官禮生補正名後理六選出簿尉

審刑院

克本院書令史後  
理六選出簿尉

秘書殿中省

令史楷書並補正名  
後理八選出簿尉

起居院

楷書八選驅使官十九選  
並補正名後理出簿尉

崇文院

孔目官補正名後  
理遇大禮出奉職

三館

孔目官四庫書直官八選楷書七選書直書庫  
表奏官九選守當官十選並授勒留官後理楷

書補正名後  
理並出簿尉

秘閣

典書楷書並補正名  
後理七選出簿尉

軍頭引見司

勾押官補正名後理  
五年出右班殿直

皇城司

勾押官補正名後  
理三年出奉職

內東門司

押司官補正名後  
理三年出借職

管勾往來國信所

勾押官補正名後  
理三年出奉職

翰林司

專知官三年界  
滿大將出奉職

內藏庫

專知官三年  
界滿出借職

御藥院

押司官補正名後  
理三年出借職

御書院

待詔五年出左班殿直書藝十年出右平殿  
直御書祗候十五年出借職並補正名後理

進奏院

進奏官補正名後理十五年遇大禮無過犯  
從上五人出職有過犯經洗雪曾經決責出

借職人數  
無定限

御厨

勾押官補正名  
後理三年出職

金吾街司仗司

孔目官表奏勾押驅使官並  
補正名後理十九選出簿尉

文臣換右職之制

秘書監換防

太卿監換團

秘書少監太常光祿少卿換刺

少卿監換皇城使

帶職郎中換閣

前行郎中換宮

中行郎中換內藏

後行郎中換莊

帶職前行員外郎

前行員外郎並換洛

帶職中行員外郎起居舍人侍御史

中行員外郎並換西京

帶職後行員外郎左右司諫殿中侍御史

後行員外郎並換供備庫使已

帶職博士左右正言監察御史換閣門

太常博士換內藏

國子博士換左藏

太常丞換莊宅

秘書丞換六宅

殿中丞著作郎換文思

太子中允 換禮賓副使

太子左右贊善大夫中舍洗馬 換供備庫副使

秘書郎著作佐郎 換內殿承旨

大理寺丞 換內殿崇班

諸司監丞節度觀察判官 換東頭供奉官

大理評事節度掌書記觀察支使 換西頭供奉官

太常寺太祝奉禮郎 換左侍禁

初等職官知令錄并兩使職官防禦團練判官令錄

未及三考 換左班殿值

初等職官知令錄未及二考 換右班殿值

判司簿尉 換三班奉職

試銜齋郎并判司簿尉未及三考 換三班管職已上京官至太常丞帶

職加一資換

右文官換右職者除流外進納及犯私罪情重并

贓罪外年四十以下並許試換右職三班使臣補

換及三年差使及五年方許試換已上並召京朝

官或使臣二人委保其文臣待制武臣觀察使已

上願換官取旨

紹興復脩試換之令淳熙增廣尚左尚右侍左侍右換

官之格列而書之以見新式若中大夫而下文臣換官

仍政和舊制則不書

諸訓武郎至進武校尉不曾犯贓私罪及笞刑經決而願換文資者聽召保官二員具家狀連保狀二本詣登聞鼓院投進乞試外任人候替罷就試文資換武者聽準此即授小使臣後未及三年授進武校尉後未及五年三省樞密院書令史以下授使臣進武校尉若保甲及試武藝并進納流外出身不用此令諸武臣試換文資於易詩周禮禮記各專一經仍兼論孟願試詩賦及依法官條試斷案刑統大義者聽

換官尚右訓武脩武郎換宣教郎侍左承直郎換從義

郎文林從政郎

奏舉職官知縣同

換忠翊郎未滿三考成忠郎

從事脩職換成忠郎未滿三考保義郎迪功郎換成節郎未滿三考承信郎將仕郎換承信郎侍右從義郎換宣義郎秉義郎換承事郎忠訓郎換承奉郎志翊郎換承務郎成忠郎換從事郎保義郎換脩職郎承節承信郎換迪功郎進武校尉進義校尉換將仕郎蔭補換使臣承奉郎換忠翊郎承務郎換成忠郎文林郎換保義郎從事從政迪功通事郎換成節郎登仕將仕郎換承信郎

文散官二十九

萬曆二十七年刊

卷之三十九

職官

三



開府儀同三司 從一

特進 正二

光祿大夫 從一

金紫光祿大夫 正三

銀青光祿大夫 從一

正奉大夫 正四上階

中奉大夫 正四

太中大夫 從四上階

中大夫 從四

中散大夫 正五上

朝奉大夫 正五

朝散大夫 從五上

朝請大夫 從五

朝奉郎 正六上

承直郎 正六

奉直郎 從六上

通直郎 從六

朝請郎 正七

宣德郎 正七

朝散郎 從七上

宣奉郎 從七

給事郎 正八上

承事郎 正八

承奉郎 從八

承務郎 從八

儒林郎 正九上

登仕郎 正九

文林郎 從九

將仕郎 從九

右朝官階勳高遇 加八大夫

武散官三十一

驃騎大將軍 從一

輔國大將軍 正二上

鎮國大將軍 從一

冠軍大將軍 正二上

懷化大將軍 正二

雲麾將軍 從二上

萬曆一十七年刊

卷之三十九

職官

三

歸德將軍

從二

忠武將軍

正四上

壯武將軍

正四

宣威將軍

從四上

明威將軍

從四

定遠將軍

正五上

寧遠將軍

正五

游騎將軍

從五上

游擊將軍

從五

昭武校尉

正六上

昭武副尉

正六

振威校尉

從六上

振威副尉

從六

致果校尉

正七上

致果副尉

正七

翊麾校尉

從七上

翊麾副尉

從七

宣節校尉

正八上

宣節副尉

正八

禦武校尉

從八上

禦武副尉

從八

仁勇校尉

正九上

仁勇副尉

正九

陪戎校尉

從九上

陪戎副尉

從九

右文朝官階上經恩加一階郎階上京朝官加五

階選人加一階武散官冠軍大將軍使相節度使

起復改授游擊將軍雖中書主事諸司吏人加授

亦無累加法餘不常授 已上文官三品已上

服紫五品已上服緋九品已上服綠

元豐寄祿格以階易官雜取唐及國朝舊制自開府儀

同三司至將仕郎定為二十四階崇寧初因刑部尚書

鄧洵武請又換選人七階大觀初又增宣奉正奉中奉奉直等階政和末又改從政脩職迪功而寄祿之格始備自開府至迪功凡三十七階

新官

舊官

開府儀同三司

使相 謂節度使兼侍中中書令或同平章事

特進

左右僕射

金紫光祿大夫

吏部尚書

銀青光祿大夫

五曹尚書

光祿大夫

左右丞

宣奉大夫 大觀新置

正奉大夫 大觀新置

正議大夫

六曹侍郎

通奉大夫 大觀新置

通議大夫

給事中

太中大夫

左右諫議大夫

中大夫

秘書監

中奉大夫 大觀新置

中散大夫

光祿卿至少府監

朝議大夫

太常卿少卿左右司郎中

奉直大夫 大觀新置

朝請大夫

前行郎中

朝散大夫

中行郎中

朝奉大夫

後行郎中

朝請郎

前行員外郎侍御史

朝散郎

中行員外郎起居舍人

朝奉郎

後行員外郎左右司諫

承議郎

左右正言太常國子博士

奉議郎

太常秘書殿中丞著作郎

通直郎

太子中允贊善大夫洗馬

宣敎郎

元豐本宣德政和選宣德門改著作佐郎大理寺丞

宣義郎

光祿衛尉寺將作監丞

承事郎

大理評事

承奉郎

太祝奉禮郎

承務郎

校書郎正字將作監主簿

承直郎

留守節察判官

儒林郎

節察掌書記支使防團判官

文林郎

留守節察推官軍監判官

從事郎

承直至此四階並崇寧初換

防團推官監判官

從政郎

崇寧通什政和再換

錄事參軍縣令

脩職郎

崇寧登仕政和再換

知錄事參軍知縣令

萬曆二十七年刊

宋史卷一百一十九

職官

三

迪功郎

崇寧將仕政和再換

軍巡判官司理司法司戶主簿尉

國朝武選自內客省至閣門使副為橫班自皇城至供  
備庫使為諸司正使副為諸司副使自內殿承制至三  
班借職為使臣元豐未及更政和二年乃詔易以新名  
正使為大夫副使為郎橫班十二階使副亦然六年及  
增置宣正履正協忠翊衛親衛大夫郎凡十階通為橫  
班自太尉至下班祇應凡五十二階

新官

舊官

太尉

政和新置以太尉本秦之主兵官遂定為武階之首

通侍大夫

內客省使

正侍大夫

延福宮使

宣正大夫

履正大夫

協忠大夫

並政和新置

中侍大夫

景福殿使

中亮大夫

客省使

中衛大夫

引進使

翊衛大夫

親衛大夫

拱衛大夫

並政和增置

萬曆二十七年刊

左武大夫

東上閣門使

右武大夫

西上閣門使

正侍郎

宣正郎

履正郎

協忠郎

中侍郎

在政印  
新置

中亮郎

客省副使

中衛郎

引進副使

翊衛郎

拱衛郎

並政和  
增置

左武郎

東上閣門副使

右武郎

西上閣門副使

武功大夫

皇城使

武德大夫

宮苑左右騏驎內藏庫使

武顯大夫

左藏庫東西作坊使

武節大夫

莊宅六宅文思使

武略大夫

內苑洛苑如京崇儀使

武經大夫

西京左藏庫使

武義大夫

西京作坊東西染院使

武翼大夫

供備庫使

武功郎

皇城副使

武德郎

宮苑左右騏驎內藏庫副使

武顯郎

左藏庫東西作坊副使

武節郎

莊宅六宅文思副使

武畧郎

內園洛苑如京崇儀副使

武經郎

西京左藏庫副使

武義郎

西京作坊東西染院禮賓副使

武翼郎

供備庫副使

教武郎

內殿承制

脩武郎

內殿崇班

從義郎

東頭供奉官

秉義郎

西頭供奉官

忠訓郎

左侍禁

志翊郎

右侍禁

戎忠郎

左班殿直

保義郎

右班殿直

承節郎

三班奉職

承信郎

三班借職

下班祗應

殿侍

萬曆二十七年刊

卷一百六十九

職官

三

元豐官制定有請併易內侍官名者神宗曰祖宗為此名有深意豈可輕議政和二年始遂改焉凡十有二階

新官

舊官

供奉官

內東頭供奉官

左侍禁

內西頭供奉官

右侍禁

殿頭

左班殿直

高品

右班殿直

高班

黃門

黃門

祗候侍禁

祗候殿頭

祗候殿直

祗候高品

祗候黃門

祗候高班內品

內品

祗候內品

貼祗候內品

仍舊不改

政和初既易武階遂改醫官之名凡十有四階

新官

舊官

和安成安成全成和大夫

軍器庫使

保和大夫

西綾錦使

保安大夫

權易使

萬曆二十七年刊



翰林良醫

翰林醫官使

和安成和成安成全郎

軍器庫副使

保和郎

西綾錦副使

保安郎

權易副使

翰林醫正

翰林醫官副使

凡除職事官以寄祿官品之高下為準高一品已上為行下一品為守下二品已下為試品同者否  
紹聖三年戶部侍郎吳居厚言神宗官制凡臺省寺監之制有行守試三等之別元祐中裁減冗費而職事官帶行者第存虛名而已請付有司講復

舊制從之四年翰林學士蔣之奇言所謂試則非正官也今尚書侍郎皆正官而謂之試失之矣如其階卑則謂之守可也臣請凡為正官者皆改試為守崇寧中吏部授選人差遣亦用資序高下分行守試三等政和三年詔選人在京執事官依品序帶行守試其外任則否宣和以後官高而仍舊職者謂之領官卑而職高者謂之視故有庶官視從官視執政執政視宰相凡道官亦視文階云  
爵一十二

王

嗣王

郡王

國公

郡公

開國公

開國郡公

開國縣公

開國侯

開國伯

開國子

開國男

右封爵皇子兄弟封國謂之親王親王之子承嫡者為嗣王宗室近親承襲特旨者封郡王遇恩及宗室祖宗後承襲及特旨者封國公餘宗室近親並封郡公其開國公侯伯子男皆隨食邑二千戶已上封公一千戶已上封侯七百戶已上封伯五百戶已上封子三百戶已上封男見任前任宰相食邑實封共萬戶嗣王開國郡公縣公後不封

勳一十二

上柱國

柱國

上護軍

護軍

上輕車都尉 輕車都尉

上騎都尉

騎都尉

驍騎尉

飛騎尉

雲騎尉

武騎尉

右騎都尉已上兩府并武臣正任已上經恩加兩轉文武朝官加一轉武騎尉已上京官加一轉朝官雖未至驍騎尉經恩亦便加騎都尉

功臣

推忠

佐理

協謀

同德

守正

亮節

翊戴

贊治

崇仁

保運

經邦

右賜中書樞密臣僚

宰相初加六字餘官初加四字其次並加兩字舊有功臣

賜者改

推忠

保德

翊戴

守正

亮節

同德

佐運

崇仁

協恭

贊治

宣德

純誠

保節

保順

忠亮

竭誠

奉化

效順

順化

右賜皇子皇親文武臣僚外臣初加四字次加兩字

拱衛

翊衛

衛聖

保順

忠勇

拱極

護聖

奉慶

果毅

肅衛

右賜諸班直將士禁軍

初加二字再加亦如之

檢校官一十九

太師

太尉

太傅

太保

司徒

司空

左僕射

右僕射

吏部尚書

兵部尚書

戶部尚書

刑部尚書

禮部尚書

工部尚書

左散騎常侍

右散騎常侍

太子賓客

國子祭酒

水部員外郎

右皇子初授官加太尉初授樞密使使相及曾任  
宰相樞密使除節度使加太傅初除宣徽節度加  
太保宗室初除使相加尚書左僕射特除并換授  
諸司使已上加工部尚書諸司副使加右散騎常  
侍除通事舍人內殿崇班已上初授加太子賓客  
副率已上并三班及史職蕃官軍員該恩加國子  
祭酒四廂都指揮使止於司徒諸軍都指揮使忠  
佐馬步都軍頭止於司空軍班都虞候忠佐副都  
軍頭已上止於左右僕射諸軍指揮使止於吏部  
尚書其官止遇恩則或加階爵功臣

憲官四

御史大夫

侍御史

殿中侍御史

監察御史

右通事舍人內殿崇班已上初除加兼御史大夫  
宗室副率已上初授軍頭等經恩加兼監察御史  
餘經恩以次遷入

試秩

大理司直

大理評事

秘書省校書郎

正字

寺監主簿

助教

右幕職初授則試秘書省校書郎再任至兩使推官則試大理評事掌書記支使防禦團練判官則試大理司直評事又加則兼監察御史亦有解褐試御有選集同出身例

紹興以後階官

元豐新制以階易官定為二十四階崇寧大觀政和相繼潤色之紹興舉行元祐之法分置左右文臣為左餘人為右淳熙初因宗室善俊建言階官並去左右字今任子雜流惟紐轉通直郎奉直中散二大夫如故若帶貼職則超資自開府至迪功序次于后

文階

開府儀司三司

特進

金紫光祿大夫

銀清光祿大夫

光祿大夫

宣奉大夫

大觀新置

正奉大夫

正議大夫

通奉大夫

大觀新置

通議大夫

太中大夫

以上舊為侍從官

中大夫

中奉大夫

大觀新置

中散大夫

朝議大夫

以上係卿監

奉直大夫

大觀新置

朝請大夫

朝散大夫

朝奉大夫

以上係正郎

朝請郎

朝散郎

朝奉郎

以上係員郎

承議郎

奉議郎

通直郎

宣教郎

宣義郎

承事郎

承奉郎

承務郎

以上係京官

右四年一轉無出身人逐資轉有出身人超資轉至奉議並逐資轉至朝議大夫有止法仍七年一轉內奉直中散二大夫有出身人不轉

承直郎

儒林郎

文林郎

從事郎

以上崇寧新置

從政郎

脩職郎

迪功郎

以上政和更定並係選人用舉狀及功賞改官

通仕郎

登仕郎

將仕郎

以上係奏補未出身官人

武階

武階舊有橫行正使橫行副使有諸司正使諸司副使

萬曆二十七年刊

水史卷一百一十九

職官

三

有使臣政和易以新名正使為大夫副使為郎橫行正副亦然於是侍郎居大夫之上至紹興始釐正其序

太尉

通侍大夫

正侍大夫

宣正大夫

履正大夫

政和新置

政和新置

協忠大夫

中侍大夫

政和新置

中亮大夫

中衛大夫

翊衛大夫

親衛大夫

拱衛大夫

自翊衛至此並政和新置

左武大夫

右武大夫

以上為橫

右並政和新置內通侍大夫舊為內客省使國朝未嘗除人自易武階不遷通侍公初意也轉至中

侍無磨勘特旨除

武功大夫

武德大夫

武顯大夫

武節大夫

武略大夫

武經大夫

武義大夫

武翼大夫

以上係舊諸司正使八階

正侍郎

宣正郎

履正郎

協忠郎

中侍郎

自正侍至此並政和新置

中亮郎

萬曆二十七年刊

宋史卷一百九十九

職官

三

中衛郎

翊衛郎

親衛郎

拱衛郎

自親衛至此  
並政和新置

左武郎

右武郎

以上舊為橫行副使政  
和更新增益共十二階

右自正侍至右武舊在右武大夫之下武功大夫  
之上今從紹興釐正書

武功郎

武德郎

武顯郎

武節郎

武略郎

武經郎

武義郎

武翼郎

以上舊諸司  
副使八階

訓武郎

脩武郎

以上為  
大校

從義郎

秉節郎

忠訓郎

忠翊郎

成忠郎

保義郎

承節郎

承信郎

以上為  
小使臣

右並五年一轉至武功大夫有止法

進武校尉

進義校尉

下班祗應

進武副尉

進義副尉

守闕進義副使

進勇副尉

守闕進勇副使

以上無品二  
校尉參吏部

下班參兵部以  
下並參刑部



內侍官十二階並政和舊制

醫官政和既易武階而醫官亦更定焉紹興因之特損其額舊額和安大夫至良醫二十員紹興置五員和安郎至醫官三十員置四員醫效十員置二員醫痊十員置一員醫愈至祗候大方脉一百五十員置十五員

和安成和成安成全大夫

保和大夫

保安大夫

翰林良醫

和安成和成安成全郎

保和郎

保安郎

翰林醫正

翰林醫官

翰林醫效

翰林醫痊

翰林醫愈

翰林醫證

翰林醫診

翰林醫候

翰林醫學

右醫正而止十四階並政和制餘續增焉

宋史卷一百六十九終

宋史卷一百七十

職官志第一百二十一

開府儀同三司上柱國錄軍國重事前中書右丞相監樞密使領經筵事都總裁脫脫等脩

皇明朝列大夫國子監祭酒臣方從哲

承德鄧春坊臣允管國一監司業事臣黃汝良等奉

勅重校刊

職官十 雜制

贊引 導從 賜 食邑 實封 使職  
宮觀 贈官 叙封 致仕 蔭補

贊引

舊中書門下翰林學士御史中丞並緋衣雙引仍傳呼

開寶中學士止令一吏前導亦罷使相僕射兩省五品

傳呼唯謝恩初上日雙引傳呼云  
萬曆二十七年刊

已上一吏前引樞密使兼相者二吏不贊引大中祥符五年止令於本廳贊引不帶相以副使止令本院紫衣淳化四年令東宮三少尚書丞入朝以緋衣吏前導並通官呵止二品已上用朝堂驅使官餘用本司驅使官宰臣親王仍令紫衣二吏引馬導從

中書樞密宣徽院御史臺開封府金吾司皆有常從景德三年詔諸行尚書文明殿學士資政殿大學士給從七人學士承節六人給事諫議舍人五人諸司三品四人於開封府金吾司差借每季代之中書先差金吾從人自今亦令參用開封府散從官宰臣參知政事僕射

御史大夫中丞知雜並通官呵止行人淳化四年令東大中祥符五年以羣官導從不合品式命翰林官學士李宗諤龍圖直學士陳彭年與禮官詳定宗諤等

請自今除中書樞密宣徽使御史中丞知雜御史金吾并攝事清道如舊制呵導外僕射已上及三司使知開封府止四節尚書文明殿學士資政殿大學士三節丞郎已上三司副使兩節大兩省卿監一節小兩制御史郎中員外諸司四品三司開封府判官推官二人前行引不得過五步合於金吾借從人者以諸軍剩員代之又外任節制知州都監從軍士七十人通判十五人防

團事知州都監五十人通判十人河北河東陝西駐泊兵處節鎮知州都監  
百人防團軍事知轉運使三十人咸平二年詔節度觀察防團刺史或別鎮  
州都監七十人他鎮其給使者止令本使給之景德六年為限副使二十五人  
年令牧守以州兵隨行者以一年為限  
提點刑獄官亦給軍士副留守節度行軍副使留守兩  
使判官給散從官十五人小尹掌書記支使防禦團練  
副使兩使推官十人兩浙推官防團軍事判官推官軍  
監判官七人錄事諸曹給承符人縣令簿尉手力弓手  
其代還者給人護送有差  
賜六

劔履上殿

詔書不名

贊拜不名

入朝不趨

紫金魚袋

緋魚袋

右升朝官該恩着綠二十周年賜緋魚袋着緋及

二十周年賜紫金魚袋特旨者係臨時指揮

食邑

一萬戶 八千戶 七千戶 六千戶

五千戶 四千戶 三千戶 二千戶

一千戶 七百戶 五百戶 四百戶

三百戶 二百戶

右宰相親王樞密使經恩加一千戶兩府使相節  
度使七百戶宣徽三司使觀文殿大學士以下至

直學士文臣侍郎武臣觀察使宗室正任以上皇子  
上將軍駙馬都尉加五百戶宗室大將軍以上  
加四百戶知制誥待制并文臣少卿監武臣諸司  
副使宗室副率以上并承制崇班軍員等初該恩  
加三百戶承制崇班軍員再該恩二百戶二千戶  
以上雖有加例緣無定法親王重臣特加有至萬  
戶者

食實封

- 一千戶
- 八百戶
- 五百戶
- 四百戶
- 三百戶
- 二百戶
- 一百戶

右宰臣親王樞密使經恩加四百戶兩府使相節  
度宣徽使皇子上將軍并宗室駙馬都尉任觀察  
使已上加三百戶觀文殿學士并宗室正任已上  
騎都尉加二百戶武臣崇班宗室副率已上加一  
百戶五百戶已上雖有加例緣無定法親王重臣  
有特加至數千戶者

三朝志云檢校兼試官之制檢校則三師三公僕射尚  
書散騎常侍賓客祭酒卿監諸行郎中員外郎之類兼  
官則御史大夫中丞侍御殿中監察御史試秩則大理  
司直評事祕書省校書郎凡武官內職軍職及刺史已

上皆有檢校官兼官內殿崇班初授檢校祭酒兼御史大夫三班及吏職蕃官諸軍副都頭加恩初授檢校太子賓客兼監察御史自此累加焉前軍都指揮使止於司徒軍都指揮使止於佐馬步都頭止於司空親軍都虞候忠佐副都頭以上止於僕射諸軍指揮使止於吏部尚書其官止若遇恩例則或加幕職初授則試校書郎再任如至兩使推官則試大理評事掌書記支使防禦團練判官已上試大理司直評事又加則兼監察御史亦有至檢校員外郎已上者行軍副使皆檢校員外已上朝官階勳高遇恩亦有加檢校官郎中則卿監少監員外郎則郎中太常博士已下則員外郎並無兼官其解褐評事校書郎正

字寺監主簿助教者謂之試銜有選集同出身例

使職兼領者親祀南郊則有大禮禮儀儀仗鹵簿橋道

頓迺五使籍田泰山封禪汾陰奉祀恭上寶冊南郊恭

謝皆知之自餘行禮或止有大禮禮儀使建隆中南郊置儀仗都部

署副都署經始大禮則有經度制置使副巡幸有行宮都部

署行宮有三司使副使判官行宮使都監舊南郊止有御營使咸平

中置行宮使又有車駕前後行宮四面闌前收後郊壇巡檢

巡闌儀仗勾當編排鹵簿其百司皆有行在之名舊百巡

司皆稱隨駕大中祥符初並同行在某司京師居留則有大內都部署皇城

都點檢巡檢及增新舊巡檢大閱亦置征行則有招討使招

安使

或云捉賊招安安撫使名者

排陣使都監前軍先鋒大陣行營

壕砦頭車洞子招收部署鈐轄都監策應之名

又有拐子馬無

地名馬選武幹者別領之

親征則冠以駕前之號廉訪民瘼則有巡

撫大使副大使安撫使副使都監採訪使副使

或官卑者止云

巡撫安撫無使字

加禮外國則有國信接伴送伴使副吊祭大

師若是又有翻譯經潤文使

宰相為使以翰林學士為潤文官

伸達寬

濫則有理檢使勸課農桑則有勸農使講脩馬政則有

羣牧制置使最後明堂祫饗置五使如南郊其一時特

置者則各具志傳或臨事更制者事畢即停內外名務

繁細者備不具載

叙階之法開府儀同三司至將仕郎為文散官驃騎大

將軍至陪戎副尉為武散官

太平興國元年改正議大夫為正奉通議大夫為朝

奉朝議郎為奉直宣議郎為通直

京朝官幕職自將仕

郎至朝奉郎每加五階至朝散大夫已上每加一階朝

散銀青者須已服緋紫者入令錄判司簿尉每加一階

并幕職計考當服緋紫者皆奏加朝散銀青階諸司使

已上如使額高者加金紫階內殿崇班初授則銀青階

三班軍職使職遇恩檢校兼官並除銀青階

丁憂者起復使相則授雲麾將

軍使相仍加金吾上將軍同正節度使大將軍同正留後以下無之

其胥吏掌事而至

衣緋者則授游擊將軍千牛備身則授陪戎副尉已上

改賜功臣勳官自上柱國至武騎尉五代以來初叙勳官卽授柱國淳化元年詔自今京官幕職州縣官始武騎尉朝官始騎都尉三班及軍員吏職經恩並授武騎尉又詔古之勳爵悉有職奉之蔭贖宜以今之所授與散官等不得用以蔭勳封爵之差唐制王食邑五千戶郡王國公三千戶開國郡公二千戶縣公千五百戶縣侯千戶伯七百戶子五百戶男三百戶又有食實封者戶給縑帛每賜爵遞加一級唐末及五代始有加邑特戶而罷去實封之給又去縣公之名封侯以郡宋初沿其制文臣少監少卿以上武臣副率以上內職崇班以

上有封爵丞郎學士刺史大將軍諸司使以上有實封但以增戶數爲差不係爵級邑過其爵則并進爵焉止於郡公每加食邑自千戶至二百戶實封自六百戶至百戶親王重臣或特加有踰千戶者郡公食邑有累加至萬餘實封至數千戶皇屬特封郡公縣公或贈侯者無開國字侯亦在者公之又采秦制賜爵曰公士端拱二年賜諸州高年一百二十七人爵公士景德又采秦制賜爵曰公士中福建民有擒獲強盜者當授鎮將以遠俗非所樂並賜公士自後率爲例功臣者唐開元間賜號開元功臣代宗時有寶應功臣德宗時有奉天定難元從功臣之號僖宗將相多加功臣美名五代寢增其制宋初因之凡宣制而授者多賜焉參知政事樞



密副使刺史以上階勳高者亦賜之中書樞密則推忠  
協謀親王則崇仁佐運餘官則推誠保德翊戴掌兵則  
忠果雄勇宣力外臣則純誠順化宰相初加卽六字餘  
並四字其累加則二字中書樞密所賜若罷免或出鎮  
則改之其諸班直將士禁軍則賜拱衛翊衛等號遇恩  
累加但改其名不過兩字

### 宮觀

宋制設祠祿之官以佚老優賢先時員數絕少熙寧以  
後乃增置焉在京宮觀舊制以宰相執政克使或丞郎  
學士以上克副使兩省或五品以上爲判官內侍官或

諸司使副

政和改武臣官制以使爲都監又有提舉提

爲都監又有提舉提

點主管其戚里近屬及前宰執留京師者多除宮觀以  
示優禮時朝廷方經理時政患疲老不任事者廢職欲  
悉罷之乃使任宮觀以食其祿王安石亦欲以此處異  
議者遂詔宮觀毋限員並差知州資序人以三十月爲  
任又詔杭州洞霄宮亳州明道宮華州雲臺觀建州武  
夷觀台州崇道觀成都玉局觀建昌軍仙都觀江州太  
平觀洪州王隆觀五嶽廟自今並依高山崇福宮舒州  
靈仙觀置管幹或提舉提點官奉給大兩省卿監及職  
司資序人視小郡知州知州資序人視小郡通判武臣

倣此四年詔宮觀嶽廟留官一員餘聽如分司致仕例  
從便居住六年詔卿監職司以上提舉餘官管幹又有  
以京官爲幹當者又詔年六十以上者乃聽差毋過兩  
任又詔兼用執政恩例者通不得過三任元豐中王安  
石以右僕射觀文殿大學士爲集禧觀使呂公著韓維  
以資政殿學士兼侍讀仍提舉中太一宮兼集禧觀公  
事元祐間馮京以觀文殿學士梁燾以資政殿學士爲  
中太一宮醴泉觀使范鎮落致仕以端明殿學士提舉  
中太一宮兼集禧觀公事三年詔橫行使副無兼領者  
許兼宮觀一處六年詔橫行狄詒宋球旣領皇城司罷  
提點醴泉觀元符元年高遵固年八十一乞再任宮觀  
高遵禮年七十六乞再任亳州太清宮又從其再任之  
請以待遇宣仁親屬故也大觀元年趙挺之以觀文殿  
大學士爲祐神觀使政和六年詔措置宮觀如萬壽醴  
泉近百員更不立額靖康元年詔內外官見帶提舉主  
管神霄玉清萬壽宮並罷大抵祠館之設均爲佚老優  
賢而有內外之別京祠以前宰相見任使相克使次克  
提舉餘則爲提點爲主管皆隨官之高下處以外祠選  
人爲監嶽廟非自陳而朝廷特差者如黜降之例紹興  
以來士大夫多流離困厄之餘未有闕以處之於是許

以承務郎以上權差宮觀一次續又有選人在部無關  
 可入與破格嶽廟者亦有以宰執恩例陳乞而與之者  
 月破供給非責降官並月破供給依資序降二等支理為資任意至厚也然  
 初將以撫安不調之人未為重僥求泛與之弊於是臣  
 僚交章欲罷供給以絕干請變理任以抑僥倖嚴按格  
 以去泛濫上並從之自是以後稍復祖宗條法之舊又  
 有年及七十耄昏不堪牧養而不肯自陳宮觀者復申  
 明舊法著為定令以律之舊制六十已上知州資序人  
 本部長官體量精神不致昏  
 昧堪釐務者許差一任兼用執政官陳乞者加一任紹  
 興二十二年臣僚言郡守之職其任至重昨朝廷以年  
 及七十令吏部與自陳官觀乞蓋不當請而請則冗瑣

者流競竊優閑廩稍或當請而不請則知進而不知退  
 識者羞焉一祠館之與奪不可不謹如是故重內祠專  
 使職所以崇大臣之體貌一次以定法再任以示恩紹  
 熙  
五年慶壽故應文武臣官觀嶽廟已滿不應再陳  
 者該今來慶壽恩年八十已上特許更陳一次 京官  
 以上二年選人三年凡待庶僚者皆於優厚之中寓閑  
 制之意焉

贈官

建隆已來凡有恩例文武朝官諸司使副禁軍及蕃方  
 馬步都指揮使以上父亡皆贈官親王贈三官可贈者  
 贈二官追加大國皇屬近親如之追加封爵服踈及諸

親之服近者贈一官宰相樞密使贈一官使相參知政  
事樞密副使尚書已上三司使節度使留後觀察使統  
軍上將軍內臣任都知副都知者贈一官此皇族及臣  
僚薨卒贈官之法也其官秩未至而因勳舊褒錄或沒  
王事雖卑秩皆贈官加等者並係臨時取旨至於母后  
后族臣僚錄其先世各有等差太皇太后皇太后皇后  
並贈三世婕妤二世貴人止贈其父而已宰相三師三  
公王尚書令中書令侍中樞密使副知院同知院事參  
知政事宣徽使簽書同簽書樞密院事觀文殿大學士  
節度使並贈三世東宮三師僕射留守節度使三司使  
觀文殿學士資政殿大學士並贈二世餘官或見任或  
致仕並贈一世有兄弟同贈者贈官加一等父在止一  
資文臣有出身贈至祕書監無出身至光祿卿武臣至  
金吾衛上將軍止凡贈官至三世者初贈東宮三少次  
東宮三太次三公次中書令次尚書令次封小國自小  
國升次國自次國升大國已大國者移國名而已亦有不  
者若父祖舊官已高者自從舊官加贈凡追封不得至  
王爵兩省官及待制大卿監諸衛上將軍觀察使正任  
防禦使遙郡觀察使景福殿使客省使若子見任或父  
曾任此官並贈至三公止父子官俱不至者文臣贈至

諸行尚書止武臣贈至節度使諸衛上將軍止即父曾  
任中書樞密使使相節度使并一品官者無止限待制  
已上持服經恩服闋亦許封贈尚藥奉御至醫官使曾  
任文資許換南班官司天監官贈不得過大卿監仍不  
許任南班官凡贈至正郎許以所贈官換朝散大夫階  
大卿監以上許換銀青階贈至二世者即除朝散大夫  
階三世則金紫階咸平四年詔舍人院詳定知制誥李  
宗諤等請追贈三世如舊其東宮一  
品以下雖曾任宰相止從本品文武羣臣功隆位極者  
特恩追封王爵亦如舊若因子孫封贈雖任將相並不  
許封王仍雖歷品而贈勿得超越從之宰相初拜有  
即贈三世者其後簽書樞密以上皆即時贈他官須經  
恩學上及刺史以上內侍都知押

叙封

唐制視本官階爵建隆三年詔定文武羣臣母妻封號  
太皇太后皇太后皇后曾祖母祖母並封國太夫人  
諸妃曾祖母祖母並封郡太夫人婕妤祖母母並封  
郡太君貴人母封縣太君宰相使相三師三公王侍中  
中書令舊有尚書令曾祖母祖母母封國太夫人妻國夫人  
樞密使副知院同知參知政事宣徽節度使曾祖母祖  
母母封郡太夫人妻郡夫人簽書樞密院事曾祖母祖  
母母封郡大君妻郡君同知樞密院以上至樞密使參  
知政事再經恩及再除者曾祖母祖母母加國太夫人

萬曆二十七年刊  
職官志  
十一

三司使祖母母封郡太君妻郡君東宮三太文武二品  
御史大夫六尚書兩省侍郎太常卿留守節度使諸衛  
上將軍嗣王郡王國公郡公縣公母郡太夫人妻郡夫  
人常侍賓客中丞左右丞侍郎翰林學士至龍圖閣直  
學士給事中諫議大夫中書舍人卿監祭酒詹事諸王  
傅大將軍都督中都護副都護觀察留後觀察使防禦  
使團練使並母郡太君妻郡君庶子少卿監司業郎中  
京府少尹赤縣令少詹事諭德將軍刺史下都督下都  
護家令率更令僕母封縣太君妻縣君其餘升朝官已  
上遇恩並母封縣太君妻縣君雜五品官至一任與叙

封官當叙封者不復論階爵致仕同見任亡母及亡祖  
母當封者並如之父亡無嫡繼母聽封所生母伎術官  
不得叙封自宰相及簽書樞密院叙封與三世同他官  
惟品至者卽時擬封餘皆俟恩乃封咸平四年從舍人  
院詳定羣臣母妻所封郡縣依本姓望封天禧元年令文武升朝官無嫡母者聽封生母曾任升朝而致仕卽許叙封給諫舍人母並封郡太君妻郡君四年又令翰林學士至龍圖閣直學士如給舍例封贈之典舊制有三代二代一代之等因  
其官之高下而次第焉凡初除及每遇大禮封贈三代  
者太師太傅太保左右丞相少師少傅少保樞密使開  
府儀同三司知樞密院事參知政事同知樞密院事樞

密副使簽書樞密院事凡遇大禮封贈三代者節度使

三代初封曾祖朝散郎父朝請郎簽書樞密院事降一等謂如父與朝散郎

之凡封父祖係武臣者視文武臣封贈對換格封贈一

代亦如之初贈曾祖太子少保祖太子少傅父太子少

師封贈曾祖母祖母母妻國夫人執政官簽書樞密院事郡夫人凡遇

大禮封贈二代者太子太師太子太傅太子太保特進

觀文殿大學士太子少師太子少傅太子少保御史大

夫觀文殿學士資政保和殿大學士金紫光祿大夫銀

青光祿大夫光祿大夫左右金吾衛上將軍左右衛上

將軍二代初封祖通直郎父奉議郎初贈祖朝奉郎父

朝散郎封贈祖母母妻郡夫人觀文殿學士資政保和殿大學士並散人凡

遇大禮封贈一代者文臣通直郎以上武臣脩武郎以

上一代初封贈父文臣承事郎武臣內侍伎術官將校

並忠訓郎母妻孺人

凡文臣贈官

通直郎以上寺監官以上未升朝者雜壓在通直郎之上同每贈兩官至奉直

大夫一官有出身不贈奉直大夫中散大夫太子太師太子太傅太子

太保特進觀文殿大學士太子少師太子少傅太子少

保御史大夫觀文殿學士資政保和殿大學士六曹尚

書金紫光祿大夫銀青光祿大夫光祿大夫翰林學士

萬曆二十七年刊

承旨翰林學士資政保和端明殿學士龍圖天章寶文  
顯謨徽猷敷文閣學士左右散騎常侍權六曹尚書御  
史中丞開府尹六曹侍郎樞密直學士龍圖天章寶文  
顯謨徽猷敷文閣直學士每贈三官至奉直大夫二官

至通議大夫一官

有出身人不贈奉直中散大夫

凡文武臣封贈對換

諸文武臣封贈對換以所加官準格對換並聽從高

承事郎換忠訓郎宣義郎換從義秉節郎宣教郎換訓  
武脩武郎通直郎換武義武翼郎奉義郎換武節武略  
武經郎承議郎換武功武德武顯郎朝奉郎換武義武  
翼大夫朝散郎換武節武略武經大夫朝請郎換武功

武德武顯大夫朝奉大夫換遙郡刺史朝散大夫換遙  
郡團練使朝請大夫換遙郡防禦使奉直朝議大夫換  
刺史中散中奉大夫換團練使中大夫換防禦使太中  
大夫通議通奉大夫換觀察使正議正奉宣奉大夫換  
承宣使光祿大夫銀青光祿大夫換節度使  
凡文武官父任承直郎以下贈官

承直郎留守節察判官留守府判官節度判官承議郎  
儒林郎支掌防團判官節度掌書記觀察支使防禦判  
官團練判官奉議郎文林郎從事郎從政郎兩使初等  
職官令錄留守推官觀察推官軍事判官軍事推官司



錄參軍錄事參軍團練推官軍監判官防禦判官縣令  
通直郎脩職郎知令錄知司錄參軍知錄事參軍縣丞  
宣敎郎迪功郎判司簿尉軍巡判官司理參軍司法參  
軍司戶參軍主簿縣尉宣義郎

致仕

凡文武朝官內職引年辭疾者多增秩從其請或加恩  
其子孫乾德元年太子太師致仕侯益來預郊祀太祖  
優待之因詔曰羣臣列位自有通規舊德來朝所宜加  
禮且表優賢之意用敦尚齒之風自今一品致仕官會  
帶平章事者每遇朝會宜綴中書門下班二年令藩鎮  
帶平章事求休致者亦如之咸平五年詔文武官年七  
十一以上求退者許致仕因疾及有贓犯者聽從便牧  
伯內職三班皆換環衛幕職州縣外官景德元年三月  
詔三班使臣七十以上視聽未衰者與釐務其老昧不  
任及年七十五以上者借職授支郡上佐奉職殿直授  
節鎮上佐不願者聽歸鄉里凡升朝官遇慶恩父在者  
授致仕官其不在者文官始大理評事武官始副率再  
經恩累加焉祖在而求回授者亦聽皆不給奉亦有子  
居要近加賜章服者天聖明道間員外郎已上致仕者  
錄其子試祕書省校書郎三丞已上爲太廟齋郎無子

聽降等官其嫡孫若弟姪一景祐三年詔曰致仕官舊  
皆給半奉而未嘗爲顯官者或貧不能自給豈所以遇  
高年養廉耻也其大兩省太卿監正刺史閣門使已上  
致仕者自今給奉並如分司官例仍歲時賜羊酒米麵  
令所在長吏常加存問其後又許致仕官子孫免選除  
近官四年臣僚有請致仕未及錄其子孫而遽亡者命  
既出輔臣皆謂法當追收仁宗憫之竟官其後侍御史  
知雜事司馬池言文武官年七十以上不自請致仕者  
許御史臺糾劾以聞慶曆中權御史中丞賈昌朝又言  
臣僚年七十而筋力衰者並優與改官致仕雖七十而  
未衰及別有功狀朝廷固留任使者勿拘此令在京若  
尚書工部侍郎俞獻卿少府監畢世長太常少卿李孝  
若尚書駕部郎中李士良在外若給事中盛京光祿卿  
王盤太常少卿張倣尚書兵部郎中張億皆老昏不可  
任事並請除致仕詔在京者令中書體量在外者下諸  
處曉諭之皇祐中知諫院包拯吳奎亦言願令御史臺  
檢察年七十已上移文趣其請老不即自陳者直除致  
仕朝廷未行奎復言國家謹禮法以維君子明威罰以  
御小人君子所顧者禮法也小人所畏者威罰也繇文  
武二選爲士大夫是皆君子之地也儻不以禮法待之

則是廢名器而輕爵祿七十致仕學者所知而臣下引  
年自陳分之常也人君好賢樂善而留之仁之至也自  
三代以來用此以塞貪墨聳廉隅近者句希仲陸軫等  
皆以年高特與分司初欲風動羣臣而在位殊未有引  
去者是臣言未效也請詳前奏施行於是詔少卿監以  
下年七十不任釐務者外任令監司在京委御史臺及  
所屬以狀聞嘗任館閣臺諫官及提點刑獄者令中書  
裁處待制已上能自引年則優加恩禮然是時言事之  
人競欲擊劾大臣有高年者俱不自安仁宗手詔曰老  
臣朕之所眷禮也進退體貌恩意豈不有異哉凡嘗預  
政事之臣自今毋或遽求引去臺諫官勿以爲言其風  
動勸勵之方又如此至於因事責降分司或老病不任  
官職之事或居官犯法或以不治爲所部劾奏衝替而  
求致仕者子孫更不推恩雖或推恩其除官例皆降等  
若耆老舊臣體貌優異賞或延于子孫奉或全給半給  
歲時問勞皆有禮意治平四年神宗卽位龍圖閣直學  
士兼侍讀李東之李受相繼致仕舊制閣門無謝辭例  
帝特召東之對延和殿命坐賜茶以受先朝藩府舊僚  
升其子一任差遣并錄其孫皆宴餞資善堂命講讀官  
賦詩御製詩序以寵其行示異數也是歲又以果州團

練使何誠用惠州防禦使馮承用嘉州團練使劉保吉  
昭州刺史鄧保壽皆年七十以上至八十餘並特令致  
仕以樞密院言致仕雖有著令臣僚鮮能自陳故也熙  
寧元年以定國軍節度使李端愿爲太子少保致仕故  
事多除上將軍帝令討閔唐制優加是命二年以觀文  
殿學士吏部尚書趙槩爲太子少師致仕故事再請則  
許槩三乞始從優耆舊也三年編脩中書條例所言人  
臣非有罪惡致仕而去人君遇之如在位時禮也近世  
致仕並與轉官蓋以昧利者多知退者少欲加優恩以  
示勸獎推行既久者從舊制若兩省正言以上官二班

使臣大使臣橫行正任等並不除爲致仕官致仕帶職  
者皆落職而後優遷其官看詳別無義理但致仕恩例  
不均如諫議大夫不可改給事中並轉工部侍郎乃是  
超轉兩資工部尚書並除太子少保乃是超轉六資若  
知制誥待制官卑者除卿監緣知制誥待制待遇非與  
卿監比今他官致仕皆得遷官此獨因致仕更見退抑  
供奉官侍禁八品除率府副率蓋六品諸司副使承制  
崇班七品除將軍乃三品至於節度使除上將軍防禦  
團練刺史並除大將軍緣諸衛名額不一至有刺史除  
官高於防禦使者今若令文武官帶職致仕人許仍舊

職止轉一官及文臣正言武臣借職以上皆得除爲致仕官則無輕重不等之患若選人令錄以上並除朝官經恩皆得封贈蔭及四世旁支例得贖罪免役又京官致仕亦止遷一官若光祿寺丞致仕有出身除秘書省著作佐郎無出身除大理寺丞而令錄職官乃除太子中允或中舍殊未爲當若進納出身人例除京官至有經覃恩遷至升朝官者類多兼拜有力之家皆免州縣色役及封贈父母如京官七品除衙前外亦免餘色役尤爲僥倖條例繁雜無所適從如錄事參軍或除衛尉寺丞或除大理評事或除奉禮郎恩例不同可以因緣生弊今定凡文臣京朝官以上各轉一官帶職仍舊不轉官乞親屬恩澤者依舊條選人依本資序轉合入京朝官進納及流外人判司簿尉除司馬令錄除別駕在京諸司勒留官依簿尉以上親賢勞舊合別推恩者取旨歷任有入已贓不得乞親戚恩澤仍不遷官其致仕官除中書樞密院外並在見任官之上致仕及三年之上元非因過犯年未及七十不曾經叙封及陳乞親戚恩澤却願仕宦並許進狀敘述若有薦舉者各依元資序授官其才行爲衆所知朝廷特任使者不拘此法從之自此宰相以下並帶職致仕四年以端明殿學士尚

書右丞王素爲工部尚書端明殿學士致仕觀文殿學士兵部尚書歐陽脩爲太子少師觀文殿學士致仕帶職致仕自素始也五年守司空兼侍中曾公亮遷守太傅致仕特許入謝以公亮逮事三朝旣加優禮仍給見任支賜十月詔兩省以上致仕官毋得因大禮用子升朝叙封遷官先是王安石言李端愿李東之叙封中書失檢舊例法當改正帝曰如此則獨不被恩安石曰叙封初無義理今旣未能遽革唐司承誤爲例如三師三公官因子孫郊恩叙授尤非官也帝從之元豐三年詔自今致仕官遇誕節及大禮許綴舊班以禮部侍郎范鎮居都城外遇同天節乞隨散官班上壽帝令鎮班見任翰林學士上故有是詔又詔致仕官朝失儀勿劾並著爲令又詔自今致仕官領職事者許帶致仕該遷轉者轉寄祿官若止係寄祿官卽以本官致仕其見任致仕官除三師三公東宮三師三少外餘並易之六年以守太尉開府儀同三司知河南府文彥博爲河東永興節度使守太師致仕彥博辭兩鎮止以河東舊鎮貼麻行下彥博又言前辭闕下之日嘗奏得致仕後當親辭天陛今旣得請欲赴闕廷降詔從之七年詔文臣中大夫武臣諸司使以下致仕更不加恩元祐元年樞密院

奏諸軍年七十若以疾假滿百日不堪醫治差使者諸  
廂都指揮使除諸衛大將軍致仕諸軍都指揮使諸班  
直都虞候帶遙郡除諸衛將軍致仕諸班直上四軍除  
屯衛拱聖以下除領軍衛並有功勞者爲左無則爲右  
從之四年詔應乞致仕而不願轉官者受敕後所屬保  
明以聞當與推恩中大夫至朝奉郎及諸司使本宗有  
服親一人蔭補恩澤橫行諸司副使見有身自蔭補人  
及內殿承制崇班閣門祗候見理親民并承議奉議郎  
許陳乞有服親一人恩例中大夫中散大夫諸司使帶  
遙郡者蔭補外准此卽朝奉郎以上及諸司使雖未受  
敕而身亡在外者以乞致仕狀到門下省日在京以得  
旨日亦許陳乞有服親一人恩例六年監察御史徐君  
平言文臣致仕以年七十爲斷而使臣年七十猶與近  
地蓋當至八十乃致仕願許其致仕之年如文臣法而  
給其奉從之三省言張方平元係宣徽南院使檢校太  
傅太子少師致仕元豐官制行廢宣徽使元祐三年復  
置儀品恩數如舊制方平依舊帶宣徽南院使致仕紹  
聖三年詔文武官該轉官致仕依舊出告外其餘守本  
官致仕者並降敕更不給告內因致仕合該乞恩澤人  
更不具鈔令尚書省通書三司入熟狀仍不候印畫又

詔應臣僚丁憂中不許陳乞致仕建中靖國元年尚書省言臣僚在憂制中不得陳乞致仕其間有官序合得致仕恩澤之人合行立法詔臣僚丁憂中遇疾病危篤其官序合該致仕恩澤者聽以前官經所屬自陳大觀二年詔致仕官年八十以上應給奉者以緡錢充政和六年提舉廣東學事孫璘言諸州致仕官居鄉者乞許令赴貢士宴擇其年彌高者而惇事之使長幼有序獻酬有禮人知里選之法孝悌之義從之宣和四年詔六曹尚書致仕遺表恩澤共與四人其餘侍從官三人立為定制建炎間堂詔文武官陳乞致仕朝廷不從致有亡身之人許依條陳乞致仕恩澤及陳乞致仕而道路不通不曾被受敕命亦許州軍保明推恩時強行父博學清脩不緣事故疾病慨然請老葉份言之許令再仕王次翁年未及六十浩然休退呂祉言之落致仕特令再仕凡類此者蓋因其材而挽留之也直祕閣致仕鄭南掛冠已久年德俱高大臣言之詔除祕閣脩撰仍舊致仕優其恩不奪其志也呂頤浩以少保乞除一寄祿官致仕詔除少傅依前鎮南軍節度使成國公致仕韓世忠以太傅鎮南武安寧國軍節度使充醴泉觀使咸安郡王乞身詔除太師致仕因將相之知止而優其歸



也揚惟忠邢煥皆以節度致仕臣僚言祖宗時節將臣僚得謝不以文武並納節除一官以今日不復納節換官爲非詔今後依祖宗典故蓋不以私恩勝公法也昭慶軍節度使開府儀同三司充萬壽觀使韋淵乞守本官致仕詔免赴朝參仍依兩府例合破請給人從優親之恩而異之也隆興以後因臣僚言年七十不陳乞致仕者除合得致仕或遺表恩澤外並不許遇郊奏薦已而復詔郊祀在近未致仕人更許陳乞奏薦一次可以不予而予之示厚恩也執政在謫籍者陳乞致仕雖許叙復而寢罷合得恩澤只據見存階官蔭補淳熙十六年寧武軍承宣使提舉佑神觀王友直復奉國軍節度使致仕臣僚論列仍守本官職致仕可以予而不予嚴公法也抑揚輕重間可以見優老恤賢之意可以識制情抑倖之術故備錄于篇

文臣蔭補

太師至開府儀同三司子承事郎孫及期親承奉郎大功以下及異姓親登仕郎門客登仕郎不理知樞密院事至同知樞密院事子承奉郎孫及期親承務郎大功以下及異姓親登仕郎門客登仕郎不理太子太師至保和殿大學士子承奉郎孫及期親承務郎大功

以下登仕郎異姓親將仕郎 太子少師至通奉大夫  
子孫及期親承務郎大功親登仕郎異姓親登仕郎小  
功以下親將仕郎 御史中丞至侍御史子承務郎孫  
及期親登仕郎大功將仕郎小功以下及異姓親將仕  
郎 中大夫至中散大夫子通仕郎孫及期親登仕郎  
大功將仕郎小功以下將仕郎 太常卿至奉直大夫  
子登仕郎孫及期親將仕郎大功小功親將仕郎 國  
子祭酒至開封少尹子孫及小功以上將仕郎 朝請  
大夫帶職朝奉郎以上 理職同資序及不帶職致仕者同 子將仕郎小  
功以下親將仕郎總麻上州文學 注權官一任回注正

上正及應 廣南東西路轉運副使子登仕郎孫及期親  
將仕郎提點刑獄子將仕郎孫及期親將仕郎

武臣蔭補

樞密使開府儀同三司子秉義郎孫及期親忠翊郎大  
功以下親承節郎異姓親承信郎 知樞密院事同知  
樞密院事樞密副使太尉節度使子忠訓郎孫及期親  
成忠郎大功承節郎小功以下及異姓親承信郎 諸  
衛上將軍承宣使觀察使通侍大夫子成忠郎孫及期  
親保義郎大功以下承信郎及異姓親承信郎 樞密  
都承旨正侍大夫至右武大夫防禦使團練使延福宮

使至招宣使任入內侍省都知以上子保義郎孫及  
期親承節郎大功以下親內各奏異姓親者同承信郎 刺史子  
承節郎孫及期親承信郎大功以下進武校尉 諸衛  
大將軍武功至武翼大夫樞密承旨至諸房副承旨子  
承節郎孫及期親承信郎大功以下進武校尉 諸衛  
將軍正侍至右武郎武功至武翼郎子承信郎孫進武  
校尉期親進義校尉 樞密院逐房副承旨子承信郎  
訓武脩武郎及閣門祗候子進義校尉 忠佐帶遙  
郡者每兩遇大禮蔭補子刺史進武校尉團練使防禦  
使承信郎

臣僚大禮蔭補

宰相執政官本宗異姓門客醫人各一人東宮三師三  
少至諫議大夫稽六曹侍郎侍御史同本宗一人 寺長貳監長  
貳祕書少監國子司業起居郎舍人中書門下省檢正  
尚書省左右司郎官樞密院檢詳若六曹郎中殿中侍  
御史左右司諫開封少尹子或孫一人  
致仕蔭補三人  
曾任宰相及見任三少使相三人曾任三少使相執政  
官見任節度使二人太中大夫及曾任尚書侍郎及右  
武大夫以上并曾任諫議大夫以上及侍御史一人

遺表蔭補

曾任宰相及見任二少使相五人曾任執政官見任節度使四人太中大夫以上十人諸衛上將軍承宣使四人觀察使三人

宋史卷一百七十終

宋史卷一百七十一

職官志第一百二十四

開府儀同三司柱國錄軍國重事尚書右丞相監樞密使領經筵事都總裁脫脫等脩

皇明朝列大夫國子監祭酒臣方從哲

承德郎右春坊右中允管國子監書事臣黃汝良等奉

勅重校刊

職官十一 奉祿制上

奉祿匹帛 兼人衣糧

職錢 厨料

祿粟 新炭諸物

奉祿自宰臣而下至岳瀆廟令凡四十一等

宰相樞密使月三百千春冬服各綾二十四匹 絹三十四匹 冬綿百兩樞密使帶

使相侍中樞密使春冬衣節度使同中書門下平章事

萬曆二十七年刊

宋史卷一百七十一

職官志

已上及帶宣徽使并前兩府除節度使及節度使移鎮

樞密使副知院帶節度使四百千參知政事樞密副使

知樞密院事同知樞密院事及宣徽使不帶節度使或

檢校太保簽書樞密院事三司使二百千春冬各綾十匹春絹十四匹

冬二匹匹綿五十兩自宰相而下春冬各加羅一匹檢校太保簽書者春冬絹二十匹匹綿五十兩節度觀

察留後知樞密院事及充樞密副使同知樞密院事并

帶宣徽使簽書樞密院事三百千綾絹羅綿同參知政事觀文殿

大學士料錢衣賜隨本官資政殿大學士料錢衣賜隨本官翰林學士

承旨學士龍圖天章閣直學士知制誥龍圖天章閣學

士綾各五匹匹絹十七匹自承旨而下加羅一匹匹綿五十匹

逐等三師三公百二十千綾各十四匹東宮三司僕射九

十千綾各五匹東宮三少御史大夫尚書六十千門下

中書侍郎太常宗正卿左右丞諸行侍郎御史中丞五

十千春冬各綾五匹絹十七匹惟中丞綾七匹絹二十匹太子賓客

四十五千綾絹同中丞左右散騎常侍六十千給事中中書

舍人太卿監國子祭酒太子詹事四十五千諫議四十

千春冬各綾各三匹絹十五匹舊志太常宗正卿左右丞

侍郎充翰林承旨及侍讀侍講各綾七匹絹二十四匹

中書舍人若充翰林學士綾五匹絹十七匹他官充龍

圖閣學士樞密直學士並準此龍圖閣學士知制誥同

諫議權三司使并權發遣使公事料錢衣賜副使五十

之數千春綾二匹冬綾五匹春冬絹各十五匹自三師以下

春冬各加羅一匹冬綿五十兩權者同判官并權及發

萬曆二十七年刊

遣以至子司主判河渠勾當公事同管左右諭德少卿

監司業郎中三十五千左右庶子起居郎舍人侍御史

知雜事同如正郎知左右司諫殿中侍御史員外郎赤

令三十千丞十五千如京朝官願請本官衣奉者仍支米麥少詹事二十

九千春冬絹各十二匹惟赤縣令衣賜隨本官左右正言監察御史太常博

士通事舍人國子五經博士太常宗正秘書殿中丞著

作郎大理正二十千太子率更令中允贊善中舍洗馬

殿中省五尚奉御十八千太常博士以上春冬絹各十匹諭德以下春加羅一匹冬

綿三十兩餘各絹七匹太常博士著作洗馬舊各有增減司天十五千正十三千春

冬各五匹各秘書郎著作佐郎春冬絹各六匹冬絹各

羅各一匹祕書舊無奉兼三館職事者大理寺丞十四

千諸寺監丞十二千春冬絹各五匹大理評事十千春冬各絹

寺監丞大理評事舊有增損不同太祝奉禮八千司天

監丞五千春冬絹各五匹主簿五千春冬絹各三匹丞簿各綿十五兩靈臺郎

三千保章正二千春冬絹各三匹惟靈臺郎冬隨衣錢二千節度使四百千

管軍同如皇子充節度使兼侍中帶諸王皇族節度使

同中書門下平章事并散節度使及帶王爵奉同節度

使惟春冬加絹各百匹大綾各二百匹節度觀察留後

小綾各三十匹羅各十四匹綿各五百兩

官制行改三百千管軍同兩省都知押班諸司使遙領承宣使

惟春加絹二十四匹冬三十四匹大小觀察使二百千管軍同

綾各十四匹春羅一匹冬綿百兩

省都知押班諸司使并橫行遙領者奉準此春冬加絹

各十匹綿五十兩如皇族充觀察者即三百千仍春冬

加絹各十五匹綾十四匹防禦使三百千管軍皇族同其

春羅一匹冬綿五十兩知押班諸司使并橫行諸衛大將軍將軍遙領者百五

十千皇族春冬加絹各十五匹綾十四匹春羅一匹綿五

十兩兩省都知押班并橫行諸衛大團練使百五十千

將軍領者春冬絹各十四匹綿五十兩管軍及皇族并軍班除充者同其皇族及兩省都知押

班諸司使并橫行諸衛大將軍遙領者百千皇族春冬

加絹各十五匹綾十四匹春羅一匹綿五十兩兩省都知

押班并橫行諸衛大將軍將軍領者春冬絹各十四匹

綿五兩六軍統軍百千諸衛上將軍六十千春冬綾各五

十兩如皇子充諸衛上將軍二百千春冬綾各

五匹春羅一匹冬綿二十四匹綿五十兩左右

金吾衛大將軍三十五千諸衛大將軍二十五千春冬

三匹絹七匹將軍二十千春冬綾各二匹絹率府率副

冬綿二十兩春冬絹各五匹冬綿十五兩自內客省

中郎將十三千春冬絹各十四匹冬十匹綿三十兩客省及皇城

使六十千客省使三十七千延福宮景福殿宣慶引進

四方館宣政昭宣閣門使二十七千皇城以下諸司使

二十五千春絹各十四匹冬十匹綿三十兩客省及皇城

以下諸司副使二十千內殿承制十七千崇班十四千

春絹各五匹冬十匹綿三十帶閣門祗候者

十兩帶閣門祗候並同供奉官十千十二千春絹四

匹冬五匹侍禁七千帶閣門祗候殿直五千帶閣門祗

並春冬絹各四三班奉職借職四千春冬絹各三下茶

酒班殿侍一千春冬絹七匹下班殿侍七百春冬絹各

並蕃官并土人補充者

皇親任諸衛大將軍領刺史八千將軍刺

史六十千春冬綾十四匹春絹十二匹冬十三匹綿五十

兩舊志春冬綾十四匹絹十五匹各加羅一匹

萬曆二十七年刊

卷之三十一

職官

四

將軍三十千春冬綾二匹絹五匹率府率二十千副率

十五千春冬綾各二匹絹五匹

舊志諸衛將軍有五十千四十千三十千三等春冬

各綾五匹絹十匹一等綾二匹絹五匹春冬並加羅一匹冬並綿二十兩諸司使有四十

千三十千二等副使以上下與異姓同並給實錢諸

司使至殿直春冬各羅一匹綾一匹絹各五匹冬綿各四十兩

入內內侍省都知副都知押班不帶遙郡諸司使充者

二十五千春絹七匹冬十匹副使充者二十千春絹五匹冬七匹

二十入內內侍省供奉官十二千春絹五匹冬七匹殿頭

七千高品高班五千春絹各五匹冬各四匹黃門三千春冬各

五兩祇候殿頭祇候高品祇候高班內品祇候內品祇

候小內品貼祇候內品入內內品後苑內品後苑散內

品七百春冬絹各五匹雲韶部內品七百春冬絹各四匹入

內內品管勾二千奉輦祇應一千五百打牧祇應一十

春冬絹各五匹內侍省內常侍供奉官十千春冬絹各

侍春加羅一匹冬綿十五兩殿頭五千高品高班三千

供奉官冬止加綿二十兩春冬絹各四匹殿頭內侍入

冬綿各二十兩黃門二千春冬絹各四匹殿頭內侍入

內高品二千春冬絹各三匹高班內品一千五百衣糧帶舊黃

門內品在京人事一千春冬各碧羅碧綾半匹黃寄班

小底二千春冬絹各十匹入內小黃門前殿祇候內品北班內



品外處揀來并城北班後苑把門內品掃洒院子及西

京內品依北班內品依舊在西京收管七百西京內品

五百春冬絹各五匹綿各十五兩惟入內小郢唐復州

內品三百春冬絹各二匹布半匹錢一千樞密都承旨

四十千副都承旨副承旨樞密院諸房副承旨逐房副

承旨已上如帶南班官同中書堂後官提點五房公事三十千都承

旨以下春冬絹各十五匹春羅一匹逐房副承旨絹各

十三匹都承旨承旨春加綾三匹冬五匹綿五十兩副

都承旨以下中書堂後官二十千特支五千已上如帶

綿各三十兩中書樞密主事二十千錄事令史十千春冬絹各十匹

已上冬綿五十兩主書七千守當官書令史五千春冬

十二兩錢一千守當官春錢一千自中書樞密并曾任

兩府雖不帶職曾任兩府而致仕同宣徽三司觀文資政翰林端

明翰林侍讀侍講龍圖天章學士樞密龍圖天章直學

士知制誥中書舍人待制御史臺開封府節度使至刺

史三館祕閣審刑院刑部大理寺諸王府記室翊善以

下至諸王宮教授知審官院勾當三班院糾察刑獄判

吏部銓南曹登聞檢院鼓院司農寺及國子監直講丞

簿河北河東陝西轉運使皇子親王諸衛大將軍至率

府副率兩省都知押班不帶遙郡諸司使副兩府供奉

官以下至內品惟內品特給一分見錢及樞密都承旨以下並給

見錢餘官并防禦使以下諸衛將軍橫行諸司使遙領

者悉一分見錢二分他物其兩省都知副都知遙領刺

三司檢法官十千春冬絹各五匹冬綿十五兩願請前

錢衣賜權知開封府并判官推官料錢衣賜並隨本官舊

二十千並司錄二十千如差員外郎已上充功曹法曹

十二千倉戶士兵四曹十千差京朝官充隨刑部檢法

官法直官大理寺法直官副法直官十千春冬絹各五

兩如轉京朝官隨西京軍巡判官十五千內開封府轉

官衣奉西京南京北京留守判官河南應天大名府判官

三十千春冬絹各十二兩節度觀察判官二十五千春冬

六匹冬絹節度副使三十千行軍司馬二十五千如簽

州公事衣奉依節觀察判官若監當節度掌書記觀察支

使二十千綿絹如留守推官府推官節度觀察推官十

五千春冬絹各五防禦團練副使二十千如監當即給

防禦團練判官十五千兩朝志云奉依本州錄事防禦

團練軍事推官軍監判官七千軍事判官如本州錄事

參軍之數京府司錄參軍二十千諸曹參軍十千以京

者奉從多給景德二年詔五萬戶已上州同錄事參

司錄六曹悉給春冬衣軍二十千司理司法十二千司戶十千三萬戶已上州

錄事十八千司理司法十二千司戶九千一萬戶已上

萬曆二十七年刊

州錄事十五千司理司法十千司戶八千五千戶已上

州錄事十二千司理司法十千司戶七千不滿五千戶

州錄事司理司法十千司戶七千別駕掌史司馬司士

參軍如授士曹依司七文學參軍七千東京畿縣七千戶已上

知縣朝官二十二千京官二十千五千戶已上知縣朝

官二十千京官十八千三千戶已上知縣朝官十八千

京官十五千三千戶已下知縣止命京官十二千已上

並隨本官主簿尉十二千至七千戶四等並給見錢河南府河南

洛陽縣令三十千諸路州軍萬戶已上縣令二十千簿

尉十二千七千戶已上令十八千簿尉十千五千戶已

上令十五千簿尉八千三千戶已上令十二千簿尉七

千不滿三千戶令十千簿尉六千京朝官及三班知縣

者亦許給縣令奉本官奉多者以從多給兼監兵者上

嶽瀆廟令十千丞主簿七千全折幕職州縣料錢諸路支

一半見錢一半折支縣尉全給見錢廣東川陝並給見錢

元豐制行宰相三百千右僕射為宰相政和中以三公

為真相靖康依舊制樞密使帶使相侍中樞密使節度

使同中書門下平章事以上及帶宣徽使并前兩府除

節度使移鎮樞密使副知院帶節度使四百千自治平

未至元豐四年如文彥博呂公弼馮京吳充先後為使

副是年十一月始詔樞密院置知院同知院餘並罷知

至是既罷使副只置知院同知院直至靖康不改

樞密院門下中書侍郎尚書左右丞同知樞密院事二

百千 衣賜如舊元祐中復置發 太師太傅太保少師少

傅少保四百千 春服羅三匹小綾二十四匹絹四十四匹冬

制奉錢百二十千春服小綾十四匹絹三十四匹羅一匹開

冬服小綾十四匹絹三十四匹羅一匹開 府儀同三司百二十千

春冬各小綾十四匹絹三十四匹羅一匹開 以無特任特進九十千

春冬各小綾十四匹絹三十四匹羅一匹開 紫光祿大夫銀青光祿大夫光祿大夫六十千

春冬各小綾十四匹絹三十四匹羅一匹開 一匹絹二十匹春羅一匹綿五十兩

春冬各小綾十四匹絹三十四匹羅一匹開 宣奉正奉正議通奉大夫五十五千

春冬各小綾十四匹絹三十四匹羅一匹開 中大夫以上下夏

春冬各小綾十四匹絹三十四匹羅一匹開 解官給舊官料錢 中大夫中奉中散大夫四十五千

春冬各小綾十四匹絹三十四匹羅一匹開 各小綾三匹四絹十五匹 朝議奉直朝請朝散朝奉大夫

春冬各小綾十四匹絹三十四匹羅一匹開 三十五千 春冬各小綾十四匹絹三十四匹羅一匹開 朝請朝散朝奉郎三十

春冬各小綾十四匹絹三十四匹羅一匹開 千 春冬各小綾十四匹絹三十四匹羅一匹開 承議奉議通直郎二十千

春冬各小綾十四匹絹三十四匹羅一匹開 三十兩奉議通直 宣教郎十七千

春冬各小綾十四匹絹三十四匹羅一匹開 豐格有出身十七千無出身十四千六年 宣義郎十二千

春冬各小綾十四匹絹三十四匹羅一匹開 敕不以資考有無出身並十五千衣無羅 承事郎十千

春冬各小綾十四匹絹三十四匹羅一匹開 千承務郎七千 春冬各小綾十四匹絹三十四匹羅一匹開 承直郎二十五千

春冬各小綾十四匹絹三十四匹羅一匹開 錢三十千春冬各小綾十四匹絹三十四匹羅一匹開 承直郎二十五千

春冬各小綾十四匹絹三十四匹羅一匹開 奉錢二十五千春冬各小綾十四匹絹三十四匹羅一匹開 儒林郎二十千

春冬各小綾十四匹絹三十四匹羅一匹開 二兩半凡二等崇寧二年改從一等 從事從政脩職郎

春冬各小綾十四匹絹三十四匹羅一匹開 凡二等崇寧 文林郎十五千

春冬各小綾十四匹絹三十四匹羅一匹開 改從一等 同儒林

春冬各小綾十四匹絹三十四匹羅一匹開 萬曆二十七年刊

春冬各小綾十四匹絹三十四匹羅一匹開

春冬各小綾十四匹絹三十四匹羅一匹開

春冬各小綾十四匹絹三十四匹羅一匹開

十五千從事郎元豐舊制考第合入令錄者視令錄支未合入令錄者視判司簿尉支從政郎元豐三  
京州府軍監司錄錄事奉軍五萬戶以上二十千三萬  
戶以上十八千一萬戶以上十五千五千以上十二  
千不滿五千戶十千縣令一萬戶以上二千七千戶  
以上十八千五百戶以上十五千三千戶以上十一千  
不滿二千戶十千凡迪功郎十二千元豐四京軍巡判  
等崇寧改從一等府軍監司法參軍五萬三萬戶以上十二千二萬戶及  
府軍監司法參軍五萬三萬戶以上十二千二萬戶及  
不滿五千戶七千三京州府軍監司戶參軍及五萬戶  
以上十千三萬戶以上九千一萬戶以上八千不滿五  
千戶七千凡三等崇寧改初熙寧四年中書門下言天  
下選人奉簿而多少不均不足以勸廉吏今欲月增料  
錢縣令錄事參軍三百六十七員舊請十千二千者  
增至十五千司理司法司戶參軍主簿縣尉二千一百  
五十三員舊請七千八百十千者增至十二千防團軍  
事推官軍監判官一百七十二員舊請七千者增至十  
二千片通增奉錢一萬二千餘貫米麥亦有增數從之  
大尉一百千春冬各小綾十匹春羅一匹絹十匹冬

慶使四百千曾任執政以上除及移鎮初除及管軍並同舊制承宣使三百千

觀察使防禦使二百千團練使百五十千刺

史一百千自節度使以下至諸衛中郎將並如舊制通侍大夫三十七千正

侍宣正協忠中侍中亮中衛翊衛親衛拱衛左武右武

大夫二十七千武功武德武顯武節武略武經武義武

翼大夫二十五千春冬絹各十四匹綿二十匹正侍宣正履

正協忠中侍中亮中衛翊衛親衛拱衛左武右武武功

武德武顯武節武略武經武義武翼郎二十千敦武郎

十七千脩武郎十四千春絹五匹冬七匹綿二匹從義秉

義郎十千帶閣門祇候十二千成忠保義郎五千帶閣門祇候者九千並春冬絹

萬曆二十七年刊

各四匹冬承節承信郎四千春冬各三匹進武校尉三

千進義校尉二千春冬各三匹進武副尉三千守闕進武副

尉守闕進義副尉一千凡文武官料錢並支一分見錢

二分折支曾任兩府雖不帶職料錢亦支見錢

職錢

御史大夫六曹尚書行六十千守五十五千翰林學士

承旨翰林學士五十千衣賜本官例官小春冬各服小綾各三匹絹各十五匹緡五十兩

左右散騎常侍御史中丞開封尹行一百千守九十五千

崇寧四年重定六曹侍郎元祐中置權六曹尚書奉行五十五

千守五十五千太子賓客詹事行五十千守四十五千

給事中中書舍人行五十千守四十五千左右諫議大

夫元祐中置權六曹侍郎奉行四十五千守四十五千

太常宗正卿行三十八千守三十五千秘書監行四十

二千守三十五千七寺卿國子祭酒太常宗正少卿祕

書少監行三十五千守三十二千太子左右庶子行四

十千守三十七千七寺少卿行三十二千守三十二千

中書門下省檢正諸房公事尚書左右司郎中行四十

千守三十七千國子司業少府將作軍器監行三十二

千守三十四千太子少詹事行三十五千守三十二千

太子左右諭德行三十二千守三十二千起居郎起居

舍人侍御史左右司員外郎樞密院檢詳諸房文字尚

書六曹郎中行三十七千守三十五千 試三十二千殿中侍御史左

右司諫行三十五千守三十二千 試三十千左右正書行三十二

千守二十七千 試二十千諸司員外郎行三十五千守三十二千 試三十千

少府將作軍器少監行三十千守二十八千 試二十五千太子侍讀

侍講行二十五千守二十二千 試二十千監察御史行三十二千

守三十千 試二十七千太子中舍太子舍人行二十二千守二十千 試十

守二十千 試十八千太常宗正知大宗正祕書丞大理正著作郎太醫令

行二十五千守二十二千 試二十千七寺丞行二十二千守二十千 試十

守十八千 試十八千太常博士著作佐郎

行守二十千守十八千 試十八千國子監丞行二十二千守二十千 試十

大理司

直評事行二十二千守二十千 試十八千少府將作軍器都水監

丞行二十千守十八千 試十四千祕書省校書郎行十八千守十六千 試十四千

祕書省正字行十六千守十五千 試十四千御史檢法官主簿行

二十千守十八千 試十六千

宗學太學武學博士行二十千守十八千 試十六千

律學博士行十八千守十七千 試十六千太常寺奉禮郎行十六

千太常寺太祝郊社令行十八千守十六千 試十四千太學正錄武學

諭行十八千守十七千 試十六千律學正行十六千守十五千 試十四千凡

職事官職錢不言行守試者準行給衣隨寄祿官例支

及無立定例者並隨寄祿官給料錢米麥計實數給應

兩給者

謂職錢米麥

從多給承直郎以下充職事官

謂大理司直評

事視書省正字太學博士正錄武學博士諭律學博士正

聽支階官請給

衣及厨料米麥不支

唐貞元四年定百官月俸僖昭亂離國用窘闕至天祐

中止給其半梁開平三年始令全給後唐同光初租庸

使以軍儲不充百官奉錢雖多而折支非實請減半數

而支實錢是後所支半奉復從虛折周顯德三年復給

實錢宋初之制大凡約後唐所定之數乾德四年七月

詔曰州縣官奉皆給他物頗聞貨鬻不充其直責以廉

隅斯亦難矣至有賦於廛肆重增煩擾且復抵冒公憲

自罹刑辟甚無謂也漢乾祐中置州縣官奉尹除二稅

外蠲其他役周顯德始革其制自令宜逐處置回易料

錢戶每本官所受物凡一千分納兩戶恣其質易戶輸

錢五百蠲役之令悉如漢詔所賦官物令諸州計度充

一歲所給之數與蠶鹽同時併給之其萬戶縣令五萬

戶州錄事兩京司錄舊月奉錢二萬者給四十戶率是

為差簿尉及戶法掾舊月奉六千者增一千如其所增

之數給與奉戶是歲令西川官金給實錢開寶三年令

西川州縣官常奉外別給鐵錢五千四年十二月詔節

察防團副使權知州事節度掌書記自朝廷除授及判

別廳公事者亦給之副使非知州掌書記奏授而不釐

釐



務者悉如故給以折色太平興國元年詔曰耕織之家  
農桑爲本奉戶月輸緡錢蠶茲細民不易營置罷天下  
奉戶其本官奉錢並給以官物令貨鬻及七分仍依顯  
德五年十二月詔增給米麥二年二月詔諸道所給幕  
職州縣官奉頗聞官估價高不能充七分之數宜令三  
分給一分見錢二分折色令通判面估定官物不得虧  
損其價四月令西川諸州幕職官奉外更增給錢五千  
雍熙三年文武官折支奉錢舊以二分者自今並給以  
實價端拱元年六月詔曰州郡從事之職皆參贊郡畫  
助宣條教而州縣之任並飭躬蒞政以綏吾民廩祿之  
制宜從優異庶綏豐泰責之廉隅除川陝嶺南已給見  
錢外其諸州府幕職州縣官料錢舊三分之一給以他  
物自今半給緡錢半給他物淳化元年五月詔致仕官  
有曾歷外職任者給半奉以他物充三年十一月令京  
東西河北河東陝西幕職州縣官料錢當給以他物者  
每千給錢七百初川陝廣南福建幕職州縣並許預借  
奉錢大中祥符間又詔江浙荆湖遠地  
麟府等州河北河東緣邊州軍自  
今許預借兩月近地一月奉錢至道二年詔先是京  
官滿三十月罷給自今續給之真宗卽位以三司估百  
官奉給折支直率增數倍一有司重定率優其數咸平  
元年六月詔文武羣臣有分奉他所而身沒未聞訃已

萬曆二十七年刊

宋史卷一百七十五

職官

百

給者例追索可憫自今川陝廣南福建一季餘處兩月

悉蠲之大中祥符七年詔三班使三年九月詔羣臣月

奉折支物無收其筭五年七月增川陝路朝官使臣等

月給添支景德四年九月上以承平既久賦歛至薄軍

國用度之外未嘗廣費自奉且以庶官食貧勸事遂詔

自今掌事文武官月奉給折支京師每一千給實錢六

百在外四百願給他物者聽大中祥符五年詔文武官

並增奉三師三公東宮三師僕射各增二千三司御

史大夫六尚書中丞郎兩省侍郎太常宗正卿

內客省使上將軍各增十千橫班諸司各增五千朝官

五品正中郎將已上諸司使副各增三千京官內殿承

制崇班閣門祗候各增二千供奉官各自乾興以後更

革為多至嘉祐始著祿令元豐一新官制職事官職錢

以寄祿官高下分行守試三等大率官以祿令為準而

在京官司供給之數皆併為職錢如大夫為郎官既請

大夫奉又給郎官職錢視嘉祐為優矣至崇寧間蔡京

秉政吳居厚張康國輩於奉錢職錢外復增供給食料

等錢如京僕射奉外又請司空奉其餘兼從錢米並支

本色餘執政皆然視元豐制祿復倍增矣

武臣奉給

殿前司自宣武都指揮使三十千差降至歸明神武開

封府馬步軍都指揮使十五千凡一二等殿前左右班虞

候三十千至天武刺員都虞候十九千凡四等殿前班  
指揮使二十千至棟中刺員僚直廣德指揮使十千凡  
二等殿前班都知十三千至招箭都知四千 凡七等  
殿前班副都知十千至招箭班副都知三千凡五等殿  
前押班七千至招箭押班二千凡五等散指揮都頭復  
有押班之名者如押班給焉兵士內員僚直復有副指  
揮使行首副行首招箭班亦有行七千至三千凡三等  
御龍直副指揮使都頭副都頭十將虞候十千至三千  
凡五等殿前指揮使五千至殿侍一千凡五等捧日天  
武指揮使十千至棟中廣德指揮使四千凡四等捧日  
天武副指揮使七千至擒戎副指揮使三千凡五等捧  
日軍使天武都頭五千至擒戎軍使千五百凡五等捧  
日副兵馬使三千至擒戎副兵馬使一千凡四等天武  
副都頭二千至廣德副都頭千五百凡二等捧日軍將  
二千至龍猛驍騎帶甲刺員軍頭十將三百凡八等天  
武將虞候而下五百至飛猛驍雄將虞候已下三百凡  
六等此奉錢之差也其外月給粟自殿前班都頭虞候  
十五石至廣建副都頭吐渾十將二石五斗凡六等殿  
前指揮使五石鞭箭清朔二石凡五等殿前班都虞候  
已下至軍士歲給春冬服三十四匹至油絹六匹而加綿

布錢有差復月給儉糧自十人以至一人諸班諸直至  
捧日天武拱聖龍猛驍騎吐渾歸明渤海契丹歸明神  
武契丹直寧朔飛猛宣武虎翼神騎驍雄威虎衛聖清  
朔擒戎軍士皆給儉一人以至半分餘軍不給焉侍衛  
馬軍步軍司自員僚直龍神衛都虞候月給二十千至  
有馬勁勇員七千凡五等指揮使自員僚直龍神衛十  
千至順化三千凡五等副指揮使自員僚直龍神衛七  
千至順化二千凡七等軍使都頭自龍神衛五千至看  
船神衛一千凡七等副兵馬使副都頭自龍神衛二千  
至順化一千凡五等軍頭十將自龍神衛千三百至順  
化三百凡五等此外員僚直有行首副行首押番軍頭  
都知副都知之名自行首五千至副都知一千凡六等  
而高陽關有驍捷左右廂都指揮使月給三十千開封  
府有馬步軍都虞候月給二十千六軍復有都虞候月  
給五千 員僚直龍神衛而下皆月給粟自都虞候五  
石至順化忠勇軍士二石凡五等自都虞候以下至軍  
士皆歲給春冬服自絹三十匹至油絹五匹又加綿布  
錢有差復有給儉糧自十人至一人其員僚直龍神衛  
雲騎驍捷橫塞及神衛上將虎翼清衛振武忠猛軍士  
皆給儉一人至半分他軍不給焉

宣徽院軍頭司自員僚至軍士咸月給錢

粟及冬服有差 諸道州府廂軍自馬步軍都指揮使至牢城

副都頭凡五等月給奉錢凡十五千至五百凡十有二

等自河南府等五十州府鄧州等三十四州萊州等一

百四十四州軍廣濟軍等三十九軍監所給之數差而

減焉咸著有司之籍外有給司馬芻秣歲給春冬服加

紬綿錢布亦各有差

祿粟 自宰相至入內高品十八年

宰相參知政事樞密使同中書門下平章事樞密使副

使知院事同知院事及宣徽使簽書樞密院事節度觀

察留後知樞密院事及充樞密副使同知樞密院事并

帶宣徽使簽書檢校太保簽書及三司使中書門下侍

郎尚書左右丞太尉月各一百石樞密使帶使相節度

使同中書門下平章事已上及帶宣徽使并前兩府除

節度使樞密使副知院事帶節度使月各給二百石三

公三少一百五十石權三司使公事七十石權發遣使

三十五石內客省使二十五石節度使一百五十石 管軍

同如皇族節度使同中書門下平章事已上并散節度使及帶王爵者並一百石 留後後改承

宣使觀察防禦使一百石 管軍并兩省都知押班諸衛

族遙領防禦 團練使七十石 管軍并皇族及軍班除充

使七十石 刺史五十石 皇族並軍班除充者

若皇族并兩省都知押班諸衛 大將軍將軍橫行遙領者同

萬曆二十七年刊

同其餘正任并管軍三十石兩省都知押班通侍大夫  
遙領者二十五石諸衛大將軍將軍遙領者十石橫行  
遙領者全分二十五石減定十石捧日天武左右廂都  
指揮使龍衛神衛右廂都指揮使帶遙郡團練使五十  
石殿前諸班直都虞候龍衛神衛及諸  
軍都指揮使帶遙郡刺史二十五石  
凡一石給六斗

米麥各半管軍支六分赤令七石丞四石京府司錄五

石諸曹參軍四石至三石有二等畿縣知縣六石至三

石有四等主簿尉米麥三石至二石有二等諸州錄事

五石至三石有三等司理司法四石至三石有二等司

戶三石二石有二等諸縣令五石至三石有三等惟河

縣令隨簿尉三石二石有二等四京軍巡判官四石軍

判官防團推官二石司天監丞四石主簿靈臺郎保

章正二石已上並入內內侍省供奉官四石殿前高品

二石高班黃門入內內品管勾奉輦祇應入輦祇應二

石打牧祇應一石五斗已上並祇候殿頭祇候高品祇

候高班內品祇候內品祇候小內品貼祇候內品入內

內品後苑內品後苑散內品三石雲韶部內品一石已

並給月糧惟雲韶內品給細色內侍省供奉官三石殿頭高品高班二

石黃門一石五斗已上並黃門內品在京人事二石五

斗北班內品前殿祇候內品外處揀來并城北班後苑

把門內品掃洒院子及西京內品與北班內品依舊在

西京收管西京內品郢唐復州內品二石入內小黃門

一石寄班小底四石已上並給月糧惟入殿頭內侍入

內高班一石米麥各半熙寧二年中書門下言天下選人奉

簿多少不一不足以勸廉吏欲月增米麥料錢縣令錄

事參軍三百七十六員舊請米麥三石者並增至四石

司理司法司戶主簿縣尉二千五百一十三員舊請米

麥兩石者並增至三石防團軍事推官軍監判官一百

七十二員舊請米麥二石者並增至三石每月通增米

麥三千七十餘石從之

元隨儉人衣糧任宰相執政者有隨身任使相至正任刺史以上者有隨身餘止儉人

宰相并文臣充樞密使司中書門下平章事及樞密使

七十人宰相舊五十人衣糧二十人日食後加樞密使帶使相待中樞密

使節度使同中書門下平章事已上及帶宣徽使并前

兩府除節度使及節度使移鎮樞密使副知院事帶節

度使一百人參知政事文臣充樞密副使知院事同知

院事及宣徽使不帶節度使簽書樞密院事節度觀察

留後知樞密院事并充樞密副使同知樞密院事并帶

宣徽使簽書樞密院事三司使門下侍郎中書侍郎尚

書左右丞五十人檢校太保簽書樞密院事三十五人

權三司使三十人權發遣公事十五人副使判官判子

司五人副使判官權并權發遣同觀文殿大學士二十人觀文殿學

士資政殿大學士十人資政端明翰林侍讀侍講龍圖

天章學士樞密直學士保和宣和延康殿學士寶文顯

謨徽猷閣學士七人舊止給日食政和月糧二石玉清昭應宮景靈

宮會靈觀三副使十人判官五人節度使留後改承宣

使觀察使五十人管軍同如皇族節度使同中書門下平章事已上并散節度使帶王爵及

節度觀察留後帶郡王並五十人觀察使二十人兩省

都知押班帶諸司使領節度觀察留後五十人兩省都

知押班并橫行領防禦使三十人管軍同皇族并遙領

觀察使十五人並二十人兩省都知

押班帶諸司使并諸衛大將軍及橫行遙領並十五人

團練使三十人管軍及軍班除充者

同其餘除授者二十人皇族充及帶便十五人刺史二

兩省都知押班帶諸司使并橫行遙領者十人

十人軍班除充者同其餘除授并管軍十人皇族充十

分者五人減定者不給內客省使舊有景福殿使二十人樞密都承旨十

人副都承旨副承旨諸房副承旨中書堂後官提點五

房公事七人逐房副承旨五人中書堂後官至樞密院

主事已上各二人錄事令史寄班小底各一人

僉人餐錢中書樞密宣徽三司及正刺史已上皆有衣糧餘止給餐錢

自判三館秘書監兩制兩省帶脩撰五千郎中以下帶脩撰者三千

直館閣校理史館檢討校勘各三千直龍圖閣審刑院

詳議官國子監書庫官五千自脩撰已上又有職錢五千校勘已上三千京

畿諸司庫務倉場監官朝官自二十千至五千凡七等

京官自十五千至三千凡八等諸司使副閣門通事舍



人承制崇班二十千至五千凡九等閣門祗候及三班十五千至三千凡十等內侍十七千至三千凡九等寄班八千至五千凡三等舊志訛件今並從兩朝志茶酒厨料之給

學士權三司使以上兼秘書監日給酒自五升至一升有四等法糯酒自一升至二升有二等又宮觀副使文明殿學士即觀文資政殿大學士龍圖樞密直學士並有給茶節度使副以下各給厨料六斗麪一石二千

薪蒿炭鹽諸物之給宰相舊無後加

宰相樞密使月給薪千二百束參知政事樞密副使宣

徽使簽書樞密院事三司使三部使權三司使四百束三部副使樞密都承旨一百五十束樞密副都承旨中書提點五房一百束開封判官節度判官薪二十束蒿四十束開封推官掌書記支使留守節度推官防團軍事判官薪十五束蒿三十束留守判官薪二十束蒿三十束防團軍事推官薪十束蒿二十束宰相樞密使歲給炭自十月至正月二百秤餘月一百秤參知政事樞密副使宣徽使簽書樞密院事三司使三部使三十秤文明殿學士資政殿大學士龍圖閣學士十五秤都承旨二十秤

給鹽宰相樞密使七石參知政事樞密副使簽書院事  
宣徽使三司使三部使權三司使二石節度使七石掌  
兵遙領五石留後觀察防禦團練刺史五石掌兵遙領皆不給  
給馬芻粟者自二十匹至一匹凡七等其軍職內侍三班伎術中書樞密宣徽院侍衛殿前司皇城司內侍省人內內侍省吏屬借官馬者其本廐馬芻粟隨馬給  
給紙者中書樞密宣徽三司宮觀副使判官諫官皆月  
給焉自給茶酒而下兩朝志無三朝志雖不詳備亦足以見一代之制云

宋史卷一百七十一終

宋史卷一百七十二

職官志第一百二十五

開府儀同三司在國錄軍國重事前書丞相髮圖史領經筵事都總裁脫脫等脩  
皇明朝列大夫國子監祭酒臣方從哲

承德郎右春坊中允管國子監司業事臣黃汝良等奉

勅重校刊

職官十二 奉祿制下

增給 公用錢 給券 職田

權三司使知開封府百千權發遣三司使五十千玉清  
昭應宮景靈宮會靈觀三副使觀文殿大學士三十千  
觀文殿學士資政殿大學士元豐添保和殿大學士宮觀三司判

萬曆二十七年刊

宋史卷一百七十二

職官

官判子司權及權開封府判官提舉諸司庫務管轄三

司軍大將提點內弓箭庫二十千宮觀都監勾當官十

七千任都知押班資政端明翰林侍讀元祐復置翰林侍讀侍講學士

紹聖龍圖天章學士元豐添保和延康寶樞密直後改

殿龍圖天章直學士元豐添寶文顯謨徽猷直學士保

十五千春冬綾各五匹絹十七匹羅一匹綿五十兩已

即依本官例小即依逐等大觀二年戶部尚書左睿言

見編脩祿格學士添支比正任料錢相去遼邈如觀文

殿大學士節度使從二品大學士添支三十千而已節

度使料錢乃四百千兼從粟帛等稱是或謂大學士有

寄祿官料錢故添支數少今以銀青光祿大夫任觀文

殿大學士較之則通料錢不及節度使之半其厚薄不

均明矣自餘學士視諸正任率皆不等欲將職錢改作

至直閣以上貼職錢不以內外並給觀文殿大學士自

千觀文學士資政大學士八十千端明後改延康殿學

士五十千前執政加二千龍圖天章寶文顯謨徽猷

學士樞密直改述古學士四十千龍圖天章寶文顯謨

徽猷直學士三十千待制二十千集賢改集英殿脩撰

十五千直龍圖閣至直秘閣十千詔從之宣和三年戶

部尚書沈積中侍郎王蕃言元豐法帶職人依嘉祐祿

令該載觀文殿大學士以下至直學士添支錢三等自

三十千至十五千大觀中因敕令所啓請改作貼職錢

觀文大學士至直秘閣自百千至十千凡九等兼增添

在京供職米麥觀文殿大學士至待制自五十石至二

十五石四等比舊法增多數倍又奏學士提舉在京官

除本身請給外更請貼職并差遣添支比六曹尚書翰

萬曆二十七年刊

宋史卷一百七十一

職官

二

公事同管勾河渠案公事十五千羣牧都監十三千銀  
臺司審官院三班院吏部銓登聞檢院鼓院太常禮院  
主判官糾察在京刑獄羣牧判官監祭使十千判司農  
寺七千其知判諸路州軍府有六十千至七千凡八等  
有以官者三師三公六七千僕射東宮三師并曾任中  
書樞密特進五十千尚書并左右丞東宮三少金紫光  
祿大夫至光祿大夫學士給事中諫議舍人待制已上  
并橫班使副三十千橫班有二十千者待制已上充益梓利夔州路知州給鐵錢二百千  
橫班副使知夔州一百五十千知諸州軍者八十千大卿監諸司使副至供奉官  
中大夫至中散大夫武功郎至秉義郎閣門祗候已上

十五千

益梓利夔州知州給鐵錢一百五十千若知諸州軍者八十千惟諸司使一百千朝官忠翊郎待

禁閣門祗候十千

朝官權知軍州府者同若知四路諸州府給鐵錢八十千知軍六十千侍

禁閣門祗候

保義郎殿直閣門祗候八千

若知四路諸州軍者給鐵

錢五

京官十千至七千有二等

知四路州府給鐵錢六十千知軍五十千試

御及州縣官職官兼知春州七千有以州望者河南大名荆南永興江寧杭楊潭并代州三十千應天真定鳳翔陝府秦青洪州二十千河中鄆許襄孟滑鄭滄邢澶

貝相華晉潞廬壽宿泗楚蘇越潤常州十五千

廣州知州歲七

百千逐月均給舊月給百千大中祥符六年合歲取五百千餘充添給益州給鐵錢三百千梓州二百千夔州

百五十千餘州約有都總管經略安撫等使者河北四

路真定瀛州定州大名陝西逐路永興秦州渭州慶州延州河東路太原前任兩

府並五十千諫議舍人待制太中大夫已上三十千並

添二十千知大名府帶河北路安撫使三路管勾機宜

文字朝官十千京官七千知桂州充廣南西路都鈐轄

經略安撫使自諫議舍人待制及大卿監大中大夫中

散大夫已上三十千朝臣充廣西路兵馬都鈐轄兼本

河北沿邊安撫副使都監以橫行使充者三十千廣

行副使并諸司使副至崇班武功大夫敦武郎以上充

者二十千供奉官秉義郎閣門祇候充都監十五千

同管勾河東緣邊安撫司公事以橫行副使至內殿崇

班敦武郎以上二十千通判大藩有二十千至十五千

者餘州軍朝官有十千至七千者京官七千朝官通判

錢八十千京官六十千朝官通判益梓利簽判朝官十

千京官七千朝官簽判益梓州給鐵三路轉運使淮南

江浙荆湖制置茶鹽等稅都大發運使諫議待制大卿

監以下大中中散以上三十千朝官充發運使副二十

千武功大夫至武翼郎諸司使副充發三門白波發輝

使朝官二十千朝官充判官十千京官七千諸路轉運

使副朝官宣德郎以下二十千任四路者給鐵判官十

千任福建廣南東西路十五千任諸路提點刑獄勸農

益梓利夔四路給鐵錢八十千

萬曆二十七年刊

宋史卷一百七十三

職官

四

使副開封府界提點諸縣鎮公事二十千忠翊郎侍禁閣門祇候以

下任諸路提點刑獄勸農使副并府界同提點敦武郎內殿崇班以上者十五千朝官并秉義郎供奉官閣門祇候已上任四路提點刑獄給鐵錢一百五十千忠翊郎侍禁閣門祇候以下一百千諸路副都

總管權總管都鈐轄路分鈐轄州鈐轄路分都監有五

十千至八千凡六等任四路給鐵錢有二百千至一百千凡三等府界及諸

路州府軍監縣鎮都監巡檢若主監押自諸司使以下

至三班借職武功大夫至承信郎已上十五千至五千

凡六等任四路給鐵錢有一百十至五千凡四等陝西河東沿邊諸族蕃

官巡檢自十五千至四千凡六等諸路走馬承受公事

自從義郎至保義郎供奉官至殿直并兩省自供奉官

至黃門自十千至五千凡四等任四路給鐵錢自六千至四千凡三等

府界并諸路州府軍監縣鎮監當朝官七千京官五千

至四千凡二等武功大夫以下至進義校尉諸司使至

下以三班使臣自十千至三千凡七等朝官自川峽州府軍監給鐵錢

五十千京官三十千至二十五千凡二等三班使臣任四路者自六十千至二十五千凡五等朝官充

陝西及江浙荆湖福建廣南提舉提點鑄錢等公事自

二十千至十五千凡二等朝官充都大提舉河渠司勾

當及提舉官觀并催遣輦運催綱諸州監物務等自十

五千至七千凡三等任四路給鐵錢七十千京官充催促輦運催

裝斛斗綱船并諸州監物務等自七千至五千凡二等

任四路給錢五十千

都大提舉脩護黃河堤埽岸諸處巡檢并

監北京大內軍器庫并蔡河撥發催綱等並以兩省供

奉官以下至內品充自十千至三千凡七等

舊志有諸路都部署

鈐轄有五十千至十五千凡四等駐泊都監兵馬都監有二十千至十五千凡六等諸州監場務朝官供奉以

上七千京官殿直五千奉職內品三千內課願大者京朝官與京官同使臣與兵馬監押同

大中祥符二年詔外任官不得挈家屬赴任者許公添

給錢贍本家

添給羊凡外任給羊有二十口至二十口凡六等

給米有二十石至二十石凡七等

給麪有三十石至二十石凡七等

僉從有二十人至二人凡七等

馬有十匹至一匹凡六等

舊志數不同今從四朝志

建炎南渡以後奉祿之制參用嘉祐元豐政和之舊少

所增損惟兵興之始宰執請受權支三分之一或支三

分之二或支賜一半隆興及開禧自陳損半支給皆權

宜也其後內外官有添支料錢職事官有職錢厨食錢

職纂脩者有折食錢在京釐務官有添支錢添支米選

人使臣職田不及者有茶湯錢其餘祿粟僉人悉還疇

昔今合新舊制而參記之

元豐定制以官寄祿南渡重加脩定開府儀同三司料

錢一百貫特進九十貫

春冬衣絹各二十五匹小綾一匹春羅一匹冬綿五十兩

金紫光祿大夫銀青光祿大夫

料錢各六十貫春冬絹各二十匹小綾七匹春

羅一匹冬綿五十兩宣奉大夫正奉大夫正議大夫通奉大夫

各五十貫春冬絹各十七匹小綾五匹春羅一匹冬綿五十兩通議大夫太中大夫中

大夫中奉大夫中散大夫

料錢各四十五貫春冬絹各二十五匹小綾三匹春羅一匹冬綿朝議大夫奉直大夫朝請大夫朝散大夫朝奉

大夫

以上料錢各三十五貫春冬絹各一十五匹春羅一匹冬綿三十兩朝請郎朝散郎

朝奉郎

以上料錢各三十貫春冬絹各一十三匹春羅一匹冬綿三十兩奉議郎

料錢二十貫春冬絹各一十一匹冬綿三十兩宣教郎

料錢十八貫春冬絹各九匹冬綿三十兩承奉郎

料錢八貫承務郎

料錢七貫元豐以來釐務止支釋料大觀二年

定以上料錢一分見錢二分折支每貫折錢在京六百

文在外四百文到任添給驛料承直郎

料錢二十貫儒林郎

料錢二十貫文林郎

料錢一十五貫從事郎

料錢一十五貫從政郎脩職郎

湯錢一十貫迪功郎

料錢一十貫以上錢折支中給一半見錢一

半折支每貫折見錢七百文釐務日給瀛替日住武臣



請奉太尉料錢一百貫春服羅一匹小綾及絹各十匹冬服小綾十匹絹二十匹緋緋五十兩正

任節度使在光祿大夫之下初授及帶管軍承宣使在

議大夫之下料錢三觀察使百貫祿粟一百石米冬十

石防禦使在中散大夫之下料錢二百貫祿團練使在

散大夫之下料錢一百五十諸州刺史在中散大夫之

祿粟七十石米冬各九石自承宣使以下不帶階官者為正任帶

階官者為遙郡遙郡各在正任之下請奉與次任正任

一同靖康指揮遙郡以上奉錢衣賜僚人奉馬權支三

分之二殿前三衙四廂捧日天武左右廂都指揮使遙

郡團練使料錢一百貫文春殿前諸班直都虞候諸軍

都指揮使遙郡刺史料錢五十貫衣同前龍衛神衛右廂都指揮

使遙郡團練使同捧日天武龍神衛諸軍都指揮使遙郡刺

史同殿前左右金吾衛上將軍左右衛上將軍在光祿大

諸衛上將軍在通奉大夫之下以上料錢各六十貫春

左右金吾衛大將軍在中散大夫之下料錢三十

羅一匹緋諸衛大將軍在中散大夫之下料錢二十五

一匹冬緋諸衛將軍在朝奉郎之下料錢二十五貫春

冬緋十率府率郎之下率府副率在通直郎之下料錢

五兩通侍大夫在中散大夫之下料錢五十

匹春羅一匹冬正侍大夫宣正大夫履正大夫協

冬絹十匹緋三十兩正侍大夫宣正大夫履正大夫協

兼二十人馬三匹正侍大夫宣正大夫履正大夫協

萬曆二十七年刊

職官

職官

職官

忠大夫中侍大夫

以上在中散大夫之下料錢各三十

十匹綿三十兩

七貫祿粟二十五石春絹七匹冬絹

二十人馬三匹

中亮大夫 在中散大夫之下料錢三十

十兩兼二十人馬三匹

中衛大夫翊衛大夫親衛大夫

在中散大夫之上

拱衛大夫左武大夫右武大夫 並在奉

下防禦使之上

武功大夫武德 直大夫

大夫武顯大夫武節大夫武略大夫武經大夫武義大

夫武翼大夫 並在朝奉大夫之下以上各料錢二十五

十兩

正侍郎宣正郎履正郎協忠郎中侍郎中亮郎

中衛郎翊衛郎親衛郎拱衛郎左武郎右武郎 以上並

郎之下錢各二十貫春絹

武功郎武德郎武顯郎武節

郎武略郎武翼郎武義郎 並在承議郎之下以上各料

七匹綿二十兩

訓武郎 料錢一十七貫春絹三

匹冬絹七匹綿二十兩

從義郎秉義郎 並料錢十貫帶

匹冬絹七匹綿二十兩

忠訓郎忠翊郎 並料錢七貫帶職錢十

一十兩

成忠郎保義郎 並料錢五貫帶職錢七貫春

郎承信郎 並料錢四貫春冬絹

進義校尉 料錢二貫春

錢七百文糧二石五

進武副尉 料錢三貫

進義副尉 料錢二貫

料錢職錢紹興仍政和之舊宰相樞密使料錢月三百

萬曆二十七年刊

貫 政和左輔右弼為宰相紹興左右僕射同中書門下  
平章事為宰相舊制春冬服小綾各二匹冬服各三  
十匹春羅一匹冬綿一百兩初建炎元年指知樞密院  
揮宰執請受並權支三分之二支賜支一半

事參知政事樞密副使同知樞密院事簽書樞密院事  
料錢二百貫春冬服小綾各十匹冬服各二匹太師太傅太保少

師少傅少保料錢三百貫春服羅三匹權支一匹小綾  
各二十匹春羅一匹冬綿五十兩以下職事官並支職錢開封牧錢一百

貫 春服羅一匹小綾各十匹冬服太子太師太傅太  
小綾十匹絹二匹保職錢二百貫春服羅一匹小綾十匹絹二十  
五匹冬服綾絹同綿五十兩少師少

傳少保百五十貫春冬服小綾各七匹絹各二  
十匹春羅一匹冬綿五十兩御史大

夫六部尚書行六十貫守五十貫試五十貫  
小綾五匹絹五匹翰林學士承旨翰林學士五十貫春服  
同上左右散騎

常侍行五十五貫守五十貫試四十五貫春服小綾  
三匹絹十五匹羅一匹冬綾絹同綿五十兩權

六曹尚書御史中丞六曹侍郎並同常侍太子賓客行  
十貫守四十七貫試四十五貫春服小綾七  
匹絹二十匹羅一匹冬綾絹同綿三十兩太子詹事

錢衣同賓客小給事中中書舍人行五十貫守四十五  
綾各上三匹左右諫議大夫行四十五貫守四十貫  
試三十七貫餘同舍人權六曹侍郎

職錢四十貫太常宗正卿  
行三十二貫守三十五貫  
試三十二貫七寺卿國子祭酒行三十五  
貫守三十五貫祕

書監行四十二貫守三十  
八貫試三十五貫太常宗正少卿秘書少監行三十二貫守三十  
貫試二十八貫中

書門下省檢正諸房公事左右司郎中行四十貫守三十  
貫試二十七貫

萬曆二十七年刊

五國子司業少府將作軍器監行三十二貫守三十一貫試二十八貫太子行三十三貫

少詹事行三十五貫守三十二貫試三十貫太子左右諭德行三十三貫

二十起居郎起居舍人侍御史行三十七貫守三十三貫太子左右

右司員外郎六曹郎中同殿中侍御史左右司諫十五

貫守三十二貫左右正言行三十二貫守二十七貫諸司員外郎

同司諫少府將作軍器少監行三十貫守二十五貫太子侍讀

侍講行二十五貫守二十貫監察御史同正言太子中舍人太

子舍人行二十貫守十八貫太常丞太醫令宗正丞知太宗

正丞秘書丞大理正著作行二十五貫守二十二貫試

郎任館職寺監丞簿評事臺法十簿寺簿正司七寺丞

行二十二貫秘書郎行二十二貫守一十八貫太常博士同七寺丞

著作佐郎同秘書郎國子監丞同七寺丞大理司直評事同著作少

府將作都水監丞行二十貫守十八貫秘書省校書郎行十八貫

試正字行十六貫守十四貫御史臺檢法主簿九寺簿行

十貫守諸王宮大小學教授太學武學博士行二十貫

試十六貫今諸王府翊善贊律學博士行十八貫守十

讀直講記室料錢並支見錢律學博士行十八貫守十

太常寺奉禮郎十六貫太常寺太祝郊社令行十八貫太

官令十六貫五監主簿行十八貫太學正錄武學諭行十八貫

守十七貫律學正行十六貫守十

樞密院官屬都承旨承旨料錢四十貫職錢三十貫承旨

匹絹十五匹冬服小綾五匹副都承旨料錢三十貫職錢二十貫副承旨諸房副承旨

十五貫若諸房副承旨同主管承旨司公事加檢詳諸房文

五貫春衣羅一匹絹十五匹冬絹同編三十兩職錢三十五貫厨計議編脩官添支錢十貫第二等折食

字食錢每日五百計議編脩官錢二十五貫厨食錢每日

五凡諸職事官職錢不言行守試者準行給職事官衣

如寄祿官例及無立定則例者隨寄祿官給職料錢米

麥計實數給兩應給者從多給謂職錢諸承直以下充

職事官謂大理司直評事祕書省正字太學博士正錄武學博士論律學博士正聽支階官請

受添給諸稱請受者謂衣糧料錢餘並為添給舊制觀

文殿大學士三十貫米三十石觀文殿學士資政保和殿

大學士二十貫米三十石資政保和殿學士十五貫米三十石

飲敷文閣學士直學士十五貫春冬小綾各三匹絹各十

兩保和殿龍圖天章寶文顯謨徽猷敷文閣待制同先

是大觀或言添支厚薄不均其後自學士而下改名貼

職錢觀文殿大學士貼職錢一百貫文米麥各二十一十五石

觀文殿學士資政保和殿大學士貼職錢八十貫米麥同

同資政保和殿學士貼職錢七十貫米麥同添支米麩同

匹綿五十匹端明殿學士貼職錢三十貫米麥二十石添支

兩羅一匹冬綿五十匹兩龍圖天章寶文顯謨徽猷敷文閣

學士樞密直學士正三品貼職錢四十貫米麥各一十石

添支米二石麩五石萬字茶二斤春冬

綾五匹絹一十七匹春羅一匹冬綿五十兩

龍圖天章寶文徽猷敷文閣直學士保和殿待制

貼職錢三十貫米麥各一十七石五斗

冬綿五龍圖天章寶文顯謨徽猷敷文閣待制

貼職錢二十貫米麥各一十二石五斗春冬綾各三匹

集英殿脩撰右文殿脩撰祕閣脩撰

各一十五貫直龍圖天章寶文閣

直顯謨徽猷敷文閣直祕閣

以上貼職錢各一十貫宣和間罷支

貼職錢仍舊制添支紹興因之令諸觀文殿大學士至

保和殿大學士料錢春冬服隨本官資政殿學士至待

制料錢隨本官春冬服從一名又諸學士添支錢曾

任執政官以上者在京外任支其餘在京支外任不

支米麥茶炭奉馬僉人衣糧內外任並給酒添支馬草

料外任勿給外此有依祖例添支

如六部尚書而下職事官分等第支廚食

錢自十五貫至九貫凡四等並依宣和指揮脩書官所

食錢監脩國史四千史館脩撰直史館本省長貳三

十七貫並依自來體例有特旨添支

如紹興元年指揮館職寺監丞

簿評事臺法主簿寺正司直博士添職錢一十貫六年

指揮五寺三監秘書大宗正丞太常博士著作祕書校

書郎著作佐郎正字大理寺正司直評事臺簿刪

定官檢鼓奏告院特支米三石計議編脩官一石

祿粟及隨身僉人宰相一百石

紹興三二公侍中中書尚書令左

石舊制百五十石隨身一百人太尉一百石隨身五十人節度

使祿粟已具元隨五十人承宣使元隨五十人觀察使

防禦使元隨三十人團練使已上並具元隨三十人諸

州刺史同上元隨二十人通侍大夫正侍大夫宣正大夫

履正協忠中侍中亮大夫祿粟兼人並具奉祿類捧日天武左右

廂都指揮使遙郡團練使五十石龍神衛右廂都指揮使遙

帶遙郡團練使同殿前諸班直都虞候諸軍都指揮使遙郡刺

史二十五石龍神衛諸軍都指揮使帶遙郡刺史同諸學士添支

米已附于前今載觀文殿大學士龍神衛二十人觀文殿學

士資政保和殿大學士龍神衛十人資政保和殿學士龍神衛

天章寶文顯謨徽猷敷文閣學士龍神衛七人樞密都承旨

兼十人副都承旨諸房副承旨七人其餘京畿守令幕

職曹官自十石七石五石至于二石各有等中書堂後

官提點五房公事逐房副承旨自七人五人至于一人

各有數因仍前制舊史已書凡任宰相執政有隨身太

尉至刺史有元隨餘止兼人

紹興折色凡祿粟每石細色六斗米麥中支管軍給隨

身元隨兼人糧每斗折錢三十文衣紬絹每匹一貫布

每匹三百五十文綿每兩四十文

公用錢

自節度使兼使相有給二萬貫者其次萬貫至七千貫  
凡四等節度使萬貫至三千貫凡四等節度觀察留後  
五千貫至二千貫凡四等觀察使三千貫至二千五百  
貫凡二等防禦使三千貫至千五百貫凡四等團練使  
二千貫至千貫凡三等刺史千五百貫至五百貫凡三等  
亦有不給者觀察使以下在禁軍校者皆不給京守在邊要或加錢給  
者如故皆隨月給受如祿奉焉咸平五年令河北河東陝西諸州皆逐季給  
京師月給者玉清昭應宮使百千景靈宮使崇文院七  
十千會靈觀使六十千祥源觀都大管勾五十千御史  
臺三百千大理寺二百五十三千刑部九十六千舍

院二十千太常寺二十五千祕閣二十千宗正寺十五  
千太常禮院起居院十千門下省登聞檢院鼓院官誥  
院三班院各五十千歲給者尚書都省銀臺司審刑院  
提舉諸司庫務司每給三十千用盡續給不限年月餘  
文武常參官內職知州者歲給五千至百千凡十三等  
皆長吏與通判署籍連署以給用少卿監以上有增十  
千至百千者淳化元年九月詔諸州軍監縣無公使處遇誕降節給茶宴錢節度州百千防團刺史州五十千監三泉縣三十千嶺南州軍以幕府州縣官權知州十千  
給券

文武羣臣奉使於外藩郡入朝皆往來備饗餼又有賓



幕軍將隨身牙官馬驢柔馳之差節察俱有賓幕以下  
中書樞密三司使有隨身而無牙官軍將隨諸司使以  
上有軍將橐駝餘皆有牙官馬驢諸州及四夷貢奉使  
諸司職掌祇事者亦有給焉四夷有譯語通事書狀換衣十券頭首領部署子弟  
之名貢奉使有廳頭子將推船防授之名職掌有儼京朝官三班外任無添給者  
止續給之京府按事畿內幕職州縣出境比較錢穀覆  
按刑獄並給券其赴任川陝者給驛券赴福建廣南者  
所過給倉券入本路給驛券皆至任則止車駕巡幸羣  
臣扈從者中書樞密三司使給館券餘官給倉券

職田

周自鄉以下有圭田不稅晉有芻藁田後魏宰人之官  
有公田比齊一品以下公田有差唐制內外官各給職  
田五代以來遂廢咸平中令館閣檢校故事申定其制  
以官莊及遠年逃亡田充悉免租稅佃戶以浮客充所  
得課租均分如鄉原例州縣長吏給十之五自餘差給  
其兩京大藩府四十頃次藩鎮三十五頃防禦團練州  
三十頃中上刺史州二十頃下州及軍監十五頃邊遠  
小州上縣十頃中縣八頃下縣七頃轉運使副十頃兵  
馬都監押砦主釐務官錄事參軍判司等比通判幕職  
之數而均給之景德二年七月詔諸州職田如有災傷

準例蠲課大中祥符九年殿中侍御史王奇上言請天下納職田以助振貸帝曰奇未曉給納之理然朕每覽法寺奏款外官占田多踰往制不能自備牛種水旱之際又不蠲省致民無告遂罷奇奏因下詔戒飭之天聖中上患職田有無不均吏或多取以病民詔罷天下職田悉以歲入租課送官具數上二司計直而均給之朝廷方議措置未下仁宗閱具獄見吏以賄敗者多惻然傷之詔復給職田毋多占佃戶及無田而配出所租違者以枉法論又十餘年至慶曆中詔限職田有司始申定其數凡大藩長吏二十頃通判八頃判官五頃幕職

官四頃凡節鎮長吏十五頃通判七頃判官四頃幕職官三頃五十畝凡防團以下州軍長吏十頃通判六頃判官三頃五十畝幕職官三頃其餘軍監長吏七頃判官幕官並同防團以下州軍凡縣令萬戶以上六頃五千戶以上五頃不滿五千戶並四頃凡簿尉萬戶以上三頃五千戶以上二頃五十畝不滿五千戶二頃錄事參軍比本判官曹官比倚郭簿尉發運制置轉運使副武臣總管比節鎮長吏發運制置判官比大藩府通判安撫都監路分都監比節鎮通判大藩府都監比本府判官黃汴河許汝石塘河都大催綱比節鎮判官節鎮

以下至軍監諸路走馬承受并砦主都同巡檢提舉捉

賊提點馬監都大巡河不得過節鎮判官在州監當及

催綱撥發巡捉私茶鹽賊盜駐泊捉賊不得過簿尉自

此人有定制士有定限吏以職田抵罪者視昔為庶幾

焉至熙寧間復詔詳定凡知大藩府三京京兆成都太原荆南江寧府延

秦楊杭潭廣州二十頃節領十五頃餘州及軍惟陽無為臨江廣德興國南康

南安建昌邵武興化並十頃餘小軍監七頃通判藩府八頃節鎮

七頃餘州六頃留守節度觀察判官藩府五頃節鎮四

頃掌書記以下幕職官三頃五十畝防禦團練軍事推

官軍監判官三頃令丞簿尉萬戶以上縣令六頃丞四

頃不滿萬戶令五頃丞三頃不滿五千戶令四頃丞二

頃五十畝簿尉減令之半藩府節鎮錄參視本州判官

餘視幕職官藩府節鎮曹官視萬戶縣簿尉餘視不滿

萬戶者發運轉運使副視節鎮知州開封府界提點視

餘州發運轉運判官常平倉司提舉官視蕃府通判同

提舉視萬戶縣令發運司幹當公事視節鎮通判轉運

司管幹文字提刑司檢法官提舉常平倉司幹當公事

視不滿萬戶縣令蔡河許汝石塘可都大催綱管幹機

宜文字府界提點司幹當公事視節鎮判官總管視節

鎮知州路分鈐轄視餘州知州安撫路分都監州鈐轄

視節鎮通判藩府都監視本州判官諸路正將視路分  
都監副將視藩府都監走馬承受諸州都監都同巡都  
大巡河並視節鎮判官巡檢堡砦都監砦主在州監當  
及催綱撥發巡捉私茶鹽賊盜駐泊捉賊並視幕職官  
巡轄馬遞鋪監堰并縣鎮砦監當並視本縣簿尉諸路  
州學教授京朝視本州判官選人視本州曹官又詔成  
都府路提點刑獄司以本路職田令逐州軍歲以子利  
椿麥等拘收變錢從本司以一路所收錢數又紐而為  
斛斗價直然後等第均給自熙寧三年始知成都府一  
千石轉運使六百石鈐轄二員各五百石轉運判官視

鈐轄通判二員各四百五十石簽判節推察推知錄幹  
當糧料院監軍資庫都監都巡檢巡檢以大使臣走馬  
承受京朝官知縣各二百石內職官係兩使支掌以上  
資序者同如係初等及權  
入者各一百五十石監商稅市賈院交子務係京朝官或  
大使臣充者視職官  
城外巡檢排岸十縣巡檢係三班  
使臣者各一百五十石司理  
司戶司法府學教授係敕割  
正授者監甲仗庫各一百石知眉  
蜀彭雅邛嘉簡陵州永嘉軍視成都通判其通判減三  
之一知威黎茂州視眉蜀通判其都監監押駐泊都巡  
檢係大使  
臣者簽判推判官係兩使職官并  
支掌以上資序知錄京朝官并  
職官知縣監棚口鎮係京  
朝官視成都職官監押巡檢同巡

檢駐泊

係三班使臣

初等職官或權入職官錄事參軍縣令

試銜知縣視成都城外巡檢司理司戶司法諸縣主簿

尉應監當場務選人監稅監鹽巡轄馬鋪

係三班使臣

視成

都曹官應諸縣令佐係職員權攝者不給歲有豐凶則

數有少剩皆隨時等級為之增減

初權御史中丞呂誨御史知雜劉述奉詔

同均定成都梓利夔四路職田誨等以成都路歲收子

利稻麥桑絲麻竹等物逐處不同遂計實直紐作稻穀

色每半中價百有二十自知成都府以官屬等第均

定及再詔詳定而三路數少均分不足用定到成都路

數目以聞中書再行詳定而有是詔

元豐中詔熙河涇原蘭州路州軍官

屬職田每頃歲給錢鈔十千

以其元給田及新造之區募已籍子及留其地以為

宗首變兩川之法均給上下一路便之元祐中推廣此

意以限月之法變而均給士大夫貪冒者或窮日之力

以赴期會或交書請屬以倖權攝奔競之風長廉恥之

節喪乞復元豐均給之法以養士廉節從之建中靖國

元年知延安府范純粹奏昨帥河東日聞晉州守臣所

得職田因李君卿為州諭意屬邑增廣租入比舊數倍

後襄陵縣令周汲力陳其弊郡守時彥歲減所入十七

八佃戶始脫苛斂之苦而晉絳陝三州圭腴素號優厚

多由違法所致或改易種色或遣子弟公阜監獲貪污

猥賤無所不有乞下河東陝西監司悉令改正從之大

觀四年臣僚言圭田欲以養廉無法制以防之則貪者  
奮矣姦吏挾肥瘠之議以逞其私給田有限課入無筭  
祖宗深慮其弊以提點刑獄官察之而未嘗給以圭租  
庶不同其利而公其心也近歲提點刑獄所受圭租同  
於他司故積年利病壅於上聞元豐舊制檢法官其屬  
也當視其長自元祐初併提舉常平司職事入提刑司  
兼領編敕遂將提舉官合給之數撥與提刑司參詳脩  
立而檢法官亦預焉詔依舊法政和八年臣僚言尚書  
省以縣令之選輕措置自不滿五千戶至滿萬戶遞增  
給職田一項夫天下圭租多寡不均久矣縣令所得亦  
復不齊多至九百斛如淄州高苑八百斛如常之江陰  
六百斛常之宜興亦六百斛自是而降或四五百或三  
二百凡在河北京東京西荆湖之間少則有至三二十  
斛者二廣福建有自來無圭租處川峽四路自守俸至  
簿尉又以一路歲入均給令固不得而獨有今欲一槩  
增給一項豈可得哉詔應縣令職田頃畝未及條格者  
催促標撥宣和九年詔諸路職官各有職田所以養廉  
也縣召客戶稅戶租佃分收災傷檢覆減放所以防貪  
也諸縣多踰法抑都保正長及中上戶分佃認納不問  
所收厚薄使之必輸甚至不知田畝所在虛詔租課聞

之惻然應違法抑勒及詭名委保者以違詔論災傷檢  
放不盡者計贓以枉法論入已者以自盜論靖康元年  
詔諸路職田租存田亡者並與落租額紹興間懼其不  
均則詔諸路提刑司依法標撥官多田少卽於隣近州  
縣通融須管數足又詔將空閑之田爲他司官屬所占  
者撥以足之仍先自簿尉始其有無職田選人并親民  
小使臣每員月支茶湯錢一十貫文內雖有職田每月  
不及十貫者皆與補足所以厚其養廉之利懼其病民  
則委通判縣令覈實除其不可力耕之田損其已定過  
多之額凡職租不許輒令保正催納或抑令折納見錢

或無田平白監租或以虛數勒民代納或額外過數多  
取皆申嚴禁止之令察以監司坐以贓罪所以防其不  
廉之害罷廢未幾而復舊拘借未久而給還移充糶本  
轉收馬料旋復免行皆所以示優恩厲清操也若其頃

畝多寡具有成式知藩府

謂三京穎昌京兆成都太原

德臨安府秦

揚章廣州二十頃發運轉運使副總管副總管知節

鎮一十五頃知餘州及廣濟淮陽無爲臨江廣德興國  
南康南安建昌邵武興化漢陽永康軍并路分鈐轄一  
十頃發運轉運判官提舉淮南兩浙江南荆湖東西河  
北路鹽事官通判藩府八頃知餘軍及監并通判節鎮

州鈐轄安撫副使都監路分都監將官發運司幹辦公  
事七項通判餘州及軍滿萬戶縣令六項藩府判官錄  
事參軍州學教授並謂承務郎以上者都監發運轉運司主管文  
字滿五千戶縣令副將官節鎮判官錄事參軍州學教  
授並謂承務郎以上者轉運司主管帳司不滿五千戶縣令滿萬  
戶縣丞餘州都監走馬承受公事主管機宜文字同巡  
檢都大巡河提點馬監四項節度掌書記觀察支使藩  
府及節鎮推官巡檢縣鎮砦都監砦主巡捉私茶鹽駐  
泊捉賊在城監當餘州判官學教授並謂承務郎以上  
者軍監都監三項五十畝軍監判官餘州推官餘州及  
軍監錄事參軍巡檢縣鎮砦都監砦主巡捉私茶鹽駐  
泊捉賊在城監當藩府及節鎮曹官州學教授謂承直郎以下  
滿五千戶縣丞滿萬戶縣簿尉巡轄馬遞鋪縣鎮砦  
當及監堰三項餘州及軍監曹官州學教授謂承直郎以下不  
滿五千戶縣丞滿五千戶縣簿尉巡轄馬遞鋪縣鎮砦  
監當及監堰二項五十畝不滿五千戶縣簿尉巡轄馬  
遞鋪縣鎮砦監當及監堰二項

宋史卷一百七十二終



Table with 10 columns and 10 rows of text, including a large vertical character '一' in the second column.

...	一	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...
...	...	...	...	...	...	...	...	...	...

48-11357

